




2021-mi

**Labradorimi Inuit
kenaujanik**

**Pannaigutingata
kenaujakkuinga**

Jârimi Kaujititsiutik



Nunatsiavut Group of Companies
 SuliaKapvilagingani
 2-6 Royal Street
 PO Box 1000, Station B
 Happy Valley-Goose Bay, NL
 AOP 1E0
 Fonninga: (709) 896-8505
 Sukkajukkut: (709) 896-5834
 Kagitaujakkut: info@ngc-ng.ca

Sanasimajut:
 Sananguativut: Nunatsiavut Visual Design © 2022

2021-mi

**Labradorimi Inuit kenaujanik
Pannaigutingata kenaujakkuvunga**

Jârimi Kaujititsiutik

Nunasiavut
Group of Companies

ILUMIUTANGIT

COVID KANNIMMASIK UKAUTAUNINGA.....	7
KATUTJIKATIGET KANUILINGAUSINGIT.....	9
PIMMAGITTUK PANNAIGUTIK.....	12
JÂRIMI KAUIJITITSIUTET UKAUTAUJUT.....	15
MISITJIK KATIMATITSIJIMIT.....	16
MISITJIK ANGAJUKKÂMIT AMMALU ANGAJUKKAUNIUKATAUJUMIT.....	18

KAMPANIUJUK

NGC NUNATSIAVUT SANAJINGIT INC.....	22
NUNATSIAVUT IMAPPILIGIJINGIT INC.....	24
NULUAK OGANNIATET.....	26
NUNAK NUNAK KUAPARESAK.....	28
NGC IKAJUTSIUTET INC.....	29
GOOSE BAY KENAUJANUT KUAPARESAK.....	30

TORNGAIT SULIAKATTISIJINGIT INC.....	34
AIR BOREALIS.....	36
KATIDLUGIT NUNATSIAVUT PITAKATTISIJINGIT.....	40
TIMMIAK SANAJINGIT LIMITED.....	41
PAN UKIUTTATUMI INUIT PITAKATTISIJINGIT.....	42
INNU-INUIT IKAJUTTIGET.....	45

CSR, AKILIUSIAT, AITTOSIAT, ANGAJUKKAUNET KENAUJAKKUVILIGIJELLU

KATUTJIKATIGET INUIT KAMAGIGIALINGIT.....	51
SULIAKATTET AKILIUSIANGIT KITITAUMAJUT.....	64
SULIAKASIMANIMMUT AITTOSIAT AMMALU ILITAGIJAUGUSET SULIATSANI.....	66
ANGAJUKKAUNET KENAUJAKKUVILIGIJELLU.....	71

2021 FINANCIALS

2021 KATITSUTAUMAJUT KENAUJAIT UKAUTAUNINGIT.....	79
---	----



Tingijokkut takutsak Berry AkKutimi illuit, Hopedale. Atâni talippiani, aggataumajuk nunanga Nunatsiavut kavamangata piulimatsivinga, atuttaulâttuk unuttunut suliaKapvinut. (Adjinguak: Kupanuap Ijinga Inc. NCI-kuni)


COVID KANIMMASIMMUT UKAUSSET 2021

2021-mi, NGC-kut aulajangit ingiggalaukKut COVID-19 Kanimmasik maligatsanginnik atudlutik. Ilangit maligatsait Kanuilaungikaluattilugit ubvalu pejautillugit, unuttut kampaniujut atuttautitsilaukKut maligatsanik paitsigiamut suliaKattiminik, ikajuttaugialinnik, ammalu pisiniattinik.

NGC ikajuttingillu kajasimalaukKut kamatsiadlutik. Taimailaugatta 2019-mi ammalu 2020 Kaujitsiutini, uKautjivugut uKautausimajut ubvalu nigugijaujut uKauset atuattausiagialet.





Air Borealis AulatsiKattavut Maggulinnik tingijonik Kulimigonillu. Tingijot atuttuKattavut inuttagamik ammalu ánniasupviliajunik akungani Goose Bay ammalu Nunatsiavut nunalinginni ammalu Natuashish, ammalu attatuttuKattajut imánullu misot Vale-mut asinginnulu kuaparesanut namminik kenaujaliugutilinnulu.
(Adjinguak: Air Borealis)




* Atugunnangitk

NGC
katutjiKatiget
Kanulingausingit





Pannaigutik ÂkKigiattauninga 2022-2027



2021-mi NGC âkKigiatsilaukKuk kenaujaliugiamut pannaigutiminik. Ikajuttaudlutik uKautjigiajijimut, sivukkatattivut katimajet ulinnaisilaukKut tallimanik kenaujaliuvivut kamagiamut kenaujaliuvivut pivallianingani tallimani jârioniattuni. Allalaummijavut tugâgutivut 2022-mit 2027-mut ammalu âkKisidluta kititanik uKautaujut pitsiasimaningit tugâgutiminut tikidlutik.

NGC-kut Tugâgutingit

- Pitsianik katutjiKatiget avatinginnik
- Pitsatujumik ilageKatigennik namminilinni/ atuKatigejunik
- Unutsigiasimajut Ikajuttaugutilet Suliatsangit
- kenaujaliutsialutik

UKautaujut Pitsiasimaningit

- IlauKataunimmut Nunatsiavummi ammalu sivunitsanginni oganniagait, sanak, ingiggautet, ikajuttiget, ammalu illunik aullainik.
- Amullugit ilisimatsiatut suliaKattet KinikKulugit kenaujaliugiamut pivitsaujunik.
- SuliaKattet suliaKagiattulutik nunagijaminut.
- Tigumiallutik pitsatujumik ilagennimik Nunatsiavut kavamangani.
- Siammatillugit NGC pigunaningit pitaKattisigiamut aullaigatsanik ammalu kenaujaliugiamut initsamik ilonnâni Nunatsiavummi.
- TamânettuKalluni ilonnaini piusiu juni ingiggautinik Nunatsiavummi.
- SuliaKattisilluni pigumajanginnik Ikajuttaugutilet ammalu pitaKattilugit Ikajuttaugutilet pivitsagijanginnik.



Air Borealis ikajutsilaukKuk Moncton-imi Tingijosongugiamik Ilinniajunik 2021-mi ilinniavik ilinniaviusongulaummat Goose Bay Migvingani. Nigiujut nunalet ilinniagumagajammangâta tingijottiugiamik.



(Adjinguak: Moncton Tingisongugiamik Ilinniavinga Ilinniavitsuak)

**JÂRIMI KAUIITITSIUTET
UKAUTAUJUT**

LICST katitsutaumajut kenaujait ammalu Atuttaumajut - 2021

katidlugit kenaujaliuttaumajut: \$41,741,267

katidlugit Atuttaumajut: \$36,811,980



- kåntraktimut kenaujait
- Imappimi SuliaKannik
- Imappimi Ikajotet
- Illuit Aullaigatsait Pivallianellu
- Ogannianik
- Asingit
- Aulatsinik akiliaialinnik PiKutinillu

- Akiliutet Akiliusiallu
- Såttujåt Sanagatsailu
- Asingit
- Akittugiagutet Bankimullu Akiligialet
- Akikilligiasimaju

MISITJIK PIJUK KATIMATITSIJIMIT

Garry Best

2021 JäriulaukKuk unuttunik pitsiasimadlutik Labradorimi Inuit kenaujanik Pannaigutinga kenaujakkuvik (LICST) ammalu Nunatsiavut Group of Companies (NGC). SuliaKattivut pitsatujuit aulatsijivut sivukkatagiamillu ilisimatsiajut aulatsilaummata kingulliani järimi KannimasiKatillugu, kenaujaliugunnalaukKugut, ammalu kenaujavut pitsatunippavut 15-nanit järusimalittunit.

Tamakkaa ilonnatik nakugigialivut hontagiallait suliaKattet ilonnaini kampaniujuni, NGC kuaparesangata sivukkatattingit suliaKattet, ammalu angajukKauKatigengit, ilonnanngit ilaujut Nunatsiavut Ikajuttaugutilingit.

IKAJUTTIVUT

NGC pivalliasimalikKuk pitsatujummagimmik ikajuttiKadluni unuttunik namminik kenaujaliugutilinnik, ilauKatautilluta Vale ujuganniavingani ammalu tamânejut ikajuttaugutet, tingijot, sanajut, imappimi ingiggautet, ammalu asingit sunagalait. Unuttuit ikajuttivut ilauKataujut allanit Innu kenaujaliugutinginni pivalliajuni, Innu Pivallianingit Limited Ikajuttigenikkut. AngajukKâk ammalu AngajukKauniuKataujuk, Chris Webb, angajukKauningillu sakKititsisimavut pitsatujumik suliaKagiamut ikajuttigenimmik ikajuttaugutiKalittilugit tamâgik Inuit Inullu nunagijavullu. Nigiujut sivuppiagamik Kanuttonimmik pivitsanginnilu NunaKakKâsimajut katingajet, atunit namminik pisonguninginnik taimangasanit, ikajuttigellutik suliaKaKatigesot ammalu pitsialutik.

NGC -kut pivalliasimammijut pimmagittumik ikajuttigegiamik Inuit



kenaujaliugutinginni kuaparesaujuni ukiuttatumi. IlausimalikKugut Pan Arctic Inuit SuliaKattigenginni (PAIL) 1994-minit, ammalu mânaKamik NGC AngajukKânga AngajukKauniuningalu angnigijausimalauttuk angajukKâsaulittilugu taikka katutjiKatigengani. Ilitagijaugutigivauk Chris illinattoninga, ilisimatsianinga, Kaujimatsianinga, ammalu NGC ilonnâgut.

PAIL-ikut ununningit ilauKataunimminut Nasittuq-kunut, ammalu aulainnatut pikKogitsianingit federal suliaKattigut kavamaligijellu anginitsamik pivitsaKagiamut Inuit atullutik Inuit Pivalligiamut kuaparesanginnik katutjiKatigenik, akilittaugelauttuk pigianingani 2022 aittutaudlutik kântraktimik aulatsigiamut tigumiallutillu Taggâni Taggiamajunniutitik AtuttauKattajunik.

NGC PITSATUNIKATTITAUNINGA

NGC piggagasuanginnavuk kajusimadlutik piusiumititsigiamik ammalu sakKititsilutik. Unuttunik atuttauliaKititsisimalikKugut ikajutsivalliniattut sivunitsatini pigullutik ammalu pivalliataullutik.

AngiutiKalaukKugut nutâmik pannaigutimmik kenaujakkuviligijet kuatangani katimaniammata NGC-kut sivukkatattingit Nain-imi Auggosimi. Tâna pannaigutik kamaluaniakKuk sivunitsatinni pigugunnatunik pigunnatitsiluni uvattinik ottugiamik pitsianigisimajattinik katimadluta tugâgutittinik. Nalunaikkutaginiattavut sivuppiantinni. Pannaivugut Kaujittisigiallagiamik pannaigutittinik katigutta katimajitsuani 2022-mi.

Nâningani 2021, kenaujakkuviligijet kajusititsilauttut atuttaugunnatunik nutângutitsilutik uKumaittunik kenaujanik sanautitsanik, nutânik kenaujaliugiiallutik suliaKattet atullugit, pitsatunittâlugit suliatanik

aulatsijet amma ullusaliullugit sunait atuttaulaningit piulimatsigiamik suliat sanut ilingajut sanagiamut suliat uktu ulluKatsianiammata kenaujaliutsialutillu. NGC kajusimammijuk kenaujaliugiamik pilukattailillutik suliaKagiamik atuttauKattajunik ammalu ilisimajaugialet piusiumitillugit.

2023-mi 50-nik JÄRINIK ULLUSIULÄLIKUK LIA

LICST-kut ammalu NGC sakKititausimavut tautukKotaulutik Labradorimi Inunnut pigiasiniattillugu sakKititauluni Labrador Inuit katutjiKatigenninga (LIA) 1973-mi. 2023-mi, nalunaittaulälittuk 50-ni Järini Ullusiuttauninga LIA. PitsatuniKavugut aulatsigiamik naminittinik ilikKusinik, kavamattinik, ammalu kenaujaliugutinik sakKisimajut takunnausigisimajattinut.

Nagvâgasuannik sakKititsigiamut namminik pivitsagijattinik pisimavuk pigumausingititut Nunatsiavut katimajitsuangita 2006-mi sakKititsigiamik LICST-mik. kenaujakkuvik uKautijausimalauttuk sakKititsiKudlugu suliat sanut ammalu kenaujaliugutitsanik Nunatsiavut Ikajuttaugutilinginnut. NGC sakKititaulaukKuk tallimaît jâret Kângimmata 2011-mi. Tugâgutittâdlugit sakKijânginnaniattunik, suliaKaKatigellutik Nunatsiavut kavamanganit, sakKititsilutik kenaujatsanginnik ikajuttaugutilet, ammalu Inunnik sivukkatattiKallutik. Aulatsiavugut tamatumunga akKutimut. kenaujaliuvugut. Pailatauvugut niaKutsiagittumut pannaigutimmut. Inunnik sivukkatattiKavugut.

KAUJIMATITSIGIALET NUNATSIAVUMMIK

Ilanga NGC-kut kenaujatigut illinattut kamagijaugiaKaningit Ikajuttaugutilet Nunatsiavut katimajitsuanginnut. kenaujakkuvik ammalu NGC taimâk piKattajok unuttutigit piusitigit. SakKititsiKattavugut jârimi Kaujitsiutimmik pivallianigijattinik, ilautillugit kititaumajut kenaujalittâjut; jâri tamât aiKattatuk tunitjigiattudluni Nunatsiavut katimajitsuanginnut, ammalu Kaujimauteennatut NGC Kagitaujangitigit, tusagatsatigit, ammalu kuatangani unikkausitigit.

NukKangatitsilaugaluattillugu Kanimmasik ingiggagiamik, pigiasilâkKugut nunalinnut ilinniavinullu aikatalutta. Inosuttuvut takukKujavut Kanuk kampaningit piKattamangâta pitsiadlutik adjigengitunik pitsanginnik Ikajuttaugutilet nunagijavullu. Allât ununnisanik, inosuttuit ikajuttaugutilet takukKujavut sivunitsanginni sivukkatattisautillugit katingajuni kampaniujuni. TakukKujavut Kaujimatigialivut suliat satigit suliaKattajattigit kiggatullugit. Nain-ilianiagatta Auggosimi, kenaujakkuvik ammalu NGC kuatangani angajukKauKatiget katimalauttut asinginnilu katimadlutik Nunatsiavut kavamanganit ministeringit, suliaKattet, Nainimi Inuit Nunalet kavamanga, ammalu katiKatiKadlutik nunalinnik Pulâgiattausongutillugit. Taimâk katimalimmata tusatsausot angajukKauKatiget kenaujakkuvimmi ammalu NGC ammalu pivitsaKattisillutik sulijumik ilagetsianimmik ilonnaitigit ilauKataujutigit.

SIVUNITSAK

kenaujakkuvik ammalu NGC kamanialimmata kingulliani ilanganik akKutittini, kajusimavugut isumaKagiamik suliat savut sakKititsigiamik kenaujanik pivitsanginnilu Nunatsiavut Ikajuttaugutilingit. Kuviasuvugut pitsianingit Nunatsiavut ammalu ilonnâni Labradorimi, ammalu nigijut sivuppiagiaggiamik kenaujaliugutinik Inuit suliaKaKatittigit Ukiuttatumi. MânaKamik Taggâni Taggiamajunniutet kântraktinga takutitsigunnatuk atujunik sakKititsisonguningit akungani ilauKataujut ilonnâni taggâni pitsatuniKaningit Inuit tugâgutittinik kamagiamut nutânik pivitsaujunik.

NGC pitsatunittâsimavuk pititsitillugu ingiggainatut ikajuttivut Vale ujanganniavingani ammalu asinginni aulajanginni Labradorimi. IlinniattisisimalikKugut uKautijigijajiKadluta nutânut ilinniagatsanut Ikajuttaugutilet pisonguniammata ilisimagialimminik nâmmasiattumik suliat satâgiamut. NGC tungaviuvuk pisittotigialivut. kenaujaliugutitsavut tallimani jâriuniattuni uvattinik ilutsiKattisitsiavuk kajusijumik piguvallianianinga pitsialunilu.

MISITJIK ANGAJUKKÂMIT AMMALU ANGAJUKKAUNIUIJUMIT

Chris Webb

Sivukatattivut ammalu suliaKattet sulialet kampanittini pailatauKattavut ilanginnut ajunnangitunut- sakKititsilutik kenaujaliugutininik ammalu sakKijânginnaniattunik katutjiKatigenik kenaujaliugiamut sivukatattininik, Inunnut sivulittaujut, ammalu sakKititsijumut pivitsanginnik Inuit pitsialutik. kenaujaliugiamut takutsavuk allât aulatjalukaKattagaluatilluta ilanga, sivukatattivut suliaKattivullu ilisimavut ammalu Kanuttosiajut pitsiagamik.

Pitjutaujuk Torngait Suliatsangit Inc. (TSI), ikajuttinga ATCO Frontec. TSI unuttunik suliatsaKasimalikKuk iningani unuluaniK 20-ni jârini, ilautillugu sanajautillugu tigumiattautillugulu 900-nik inuKasok tujummiuvik uJaganniajuKatillugu ammalu suliaKattisisimalikKuk putogiviudluni kântraktitigut 2000-mit 2015-mut.

Taimanganit 2005, TSI-kut inimini atuttausimalittut uJaganniatinut Vale. PitaKattisisimajuk taitsumani uKumaittuniutinik ilinniagutautillugit ilonnainut TSI suliaKattinginnut akuninut suliaKasonguniagamik uJaganniavimmi. Aggâni, TSI ununnisanik 11,000-nit ilinniatitsisimalauttuk sitondini suliaKattiminik, ununnisank sitondiKadlutik 6,000 sitondinik ilinniadlutik uKumaittuniutinik atusongugiamik. 217%-timik unutsigiasimajuk katidlugit sitondinik ammalu 287%-tiik unutsigiadlutik Kângisimalittuni sitamani jârini.

Takunnavugut sivunitsatinni Inuit sivukatattulâttut kingulliani tallimangani jârini pannaigutingani piguttitauniammat kenaujaliugutivut.



TALLIMANI PANNAIGUTIK

NGC-kut pigiasisimalittut kingullianik tallimanut jârinit pannaigutimik pigutsaigiamut kenaujaliugutiminik. kamaluaniakKugut tallimanik suliagiKattatattinik – sanak, oganniagait, ingiggautet, illuit aullaigatsait, ammalu ikajuttigennik. Tugâgutivut kenaujaliugiamik, piusiumittilugit Ikajuttaugutilet suliatsangit, ammalu tigumialluta pitsatunimmik ilagennikut angajukKauKatigetinni/LICST. kamaKattaniakKugut unuttunik pitsiasimajunik, ilautillugu ilauKataunivut Nunatsavummut ammalu sivunitsanginni pigumaluajanginnik sunanik, suliaKattisililluta pigumajanginnik Ikajuttaugutilet, ammalu tigumialluta pitsatujumik ilagenikkut Nunatsiavut kavamanganut.

Unuttuni pitsiasimanittini ammalu ilangit tammasingalautillugit, NGC pigusimalittuk kenaujaliuttiudluni. Akuninit, isumajâsimalikKugut ilagiagianga kenaujaliuvivut pivallianimmut Kaujisattisamik katutjiKatigennitini. Taimaittuk suliatsak uKumaittumagik suliatsauluni Kaujisagamut kenaujaliugutaugajattunik ammalu KimigguKattalugit utiKattajuit kenaujaliuttaujut. 2022-mi, pivallilâkKugut tagvona suliatsakut.

IKAJUTTIVUT

SakKititsisimalikKugut pitsatujumik ikajuttigennikut uJagannianimmi ikajuttitinut Vale suliatsanginni. Tâkkua ikajuttivut aittuisiaKattavut angijumik NGC-kunut ammalu Ikajuttaugutilet suliatsatâttidlugit. 2022-mi, nigiuvgut pijagegiamik angikAtigegutininik ilagiagutausimajut ikajuttigennikut Vale uJaganniavingani. Kajusimavugut Kimiggugiamik pivitsaujunik tagvani suliatsami ammalu Kinidluta ilagenitsamik ilagiagutauniattuk illinattunut

ikajuttaugialinut, kampanivut, suliatSaKattisillutik Ikaajuttaugutilinik.

ILAUKATAUNIK ASINGINNUT INUIT PIVALLIANIMMUT KUAPARESANUT

SakKititausimaninga Inuit Pivallianikkut kuaparesanga katutjiKatigennik (IDCA) 2018-mi katidlutik nipingit Inuit kenaujaliuvinginni katutjiKatiget sollu NGC. IDCA sivuppiagallasimolauttuk tagvainak angmaigiamut Taggâni Taggijumajunniutinik kântraktiniganik. Nasittuq, ikajuttiKajuk akungani sâkset Inuit pivalliajut kuaparesangit (ilautillugit NGC) amma ATCO Frontec, pitsiasimajut sâlaKadlutik sepanut jârinut kântraktimik pigianningani 2022, pivitsaKadlutik sitamanit maggoni jârenni nutângutiKattalugu. Taggâni Taggijumajunniutik nutângutitaugialik ilauKataugiamut Taggâni Americamiut paitsigutinginnut. Nasittuq ilauKataugumammagittuk taimaittunut suliatSanut.

Taggamiut takulâkKut angijumik kenaujaliunnimik Kagitaujatigut, sanannikut, ammalu asingitigut suliajijanginni Kainiattuni jârigiallani. Inuit angijumik ilisimatsiavut taimaittunik suliaKagiamik, IlauKataunivut IDCA-kunut pitaKattisivuk atuttaugajattunik taimaittutigut pivitsaujuni.

AITTUTUINIK NUNALINNIK

Ilonnatik kampanivut isumaKajut suliatSamini pitaKattisigiamik pivitsaujunik sivuppiantsanginnik Ikaajuttaugutilet. Tamanna kamagijaujuk Nunatsiavummut ammalu Ikaajuttaugutilet nukKaniangitut pitaKattisigiamik suliatSanik.

kampanivut pitaKattisivut ununnisanik \$700,000-latut kenaujatuinnanik ammalu utittitaugiaKangitunik aittuiKattadlutik Nunatsiavummut 2021-naulauttumi. Decemberami aittuilauKugut ununnisanik \$50,000-nit Nunatsiavut niKinik aittotitsanginnik ammalu Kijutsanik.

Ilonnasiata pisittulaungilagut Januarami Air Borealis atjatuniammat kapputitsanik COVID Kanimmasimmut Nunatsiavut nunalinginnut. Taitsumani wogigiallatânut pannaitaulauttuk akungani tingijot ammalu Nunatsiavut Inositsiagittotitsigasuallutik Pivalliatitsijinginnut. Magguatilluamik pisittulaungilagut Ikaajuttaugutilik Hopedalemit, Tingijotti Kayla Torarak (mâna AngajukKângulittuk), atjatuniammat kapputinik angiggaminut.

ILIKKUSINIK KAUJIMANIK

TPimmagiuninga katutjiKatigennita Inonivut. SuliaKaKattavugut uKumaittutigut suliaKapvitini. Atuttaugatsamik, pivalliajvugut sulijugijaunimmik suliaKapvimi maligatsait ilonnatik suliaKattet ikpiniaKattaniammata Kanuinginimmik sulijugijaunimmilu. SuliaKattet pitaKattitauKattavut ikajuttaunimmik atuttaugialik pitsianiagutik. katutjiKatigennik pivalliKattavuk suliaKattinigit Kanuingimata ammalu ilauKatauninginnut.

UKÂLAUTIKANIK UKUMAILUTANIK

Allât sivuppiagalugutta pannaigutimmik ammalu Kanuk pigiamik, ammalu

KimiggugiaKagivugut akunnitini uKumaittunik, Oganniativut, Nuluak, attutaunginnatuk KatsigâgiaKaninga putjotivanik ammalu kingupvanik kotanginnik. Nigiuvugut pijagelânnitunik angikKatigennimik atuttauliaKinitsanginnut ilonnainut inunnut sittutitsiutaugajattuk pigunnaippata Kaigulinik puijini kenaujaliugutigillugit Nunatsiavut tikitaugajappata.

Sanajunili, pivalliajvugut kamagiamik pitsianiujunik kenaujaliujunilu. SananigiKattajavut pitaKattisivuk

sakKijâniattunik Nunatsiavummi ammalu pitsatujummagimmik sakKititsijuk kenaujaliugutik asinginni ilanginni Labrador. kajusimavugut kamatsiagiamik sananigiKattajavut kajusimakKulugu pitaKattisigiamut illinattunk ammalu kajusimattisivuk piusiumititsigiamik ilisimatsianikkut akungani Ikaajuttaugutilet.

SIVUNITSÄK

Ukua Nunatsiavut Group of Companies makitatsiavut kajusimajiamut piguvallianimmik ammalu Kummuativallialugit Ikaajuttaugutilivut. Pitsatujuit sivukkatattivut suliaKattet ammalu Kittaingatsiajut ilisimatsiajut suliaKattet pigunnaitsijut uvattinik kajusimajiamut Kinilluta nutânik pivitsaujunik Nunatsiavummi ammalu ilonnâni Labradorimi, ammalu Ukiuttatumi ilavullu Inuit. kajusimanik ikajutsitaunimmut Labradorimi Inuit kenaujanik kenaujakkvingani, pitsialâttavut tamakkua tugâgutet.



(Adjinguak: Nuluak Oganniatingit)



(Adjinguak: Sarah Leo)



(Adjinguak: Kupanuap Ijinga Inc. ukununga NCI)

UKUA KAMPANIUJUT

NGC NUNATSIYAVUT SANAJINGIT (NCI)

2021-mi, NCI-kut angijummagimmik pivallisimalaukKut pitjutigillugu jâri nâllugu ingigganitsanga Labradorimi AkKutiliginimmut kântraktinga, tigumiagaluallutik kamagiamut pivalligiamut asinginnik suliatSanik Nunatsiavummi. NCI-kut kenaujangit kajusimavut sakKilânningit suliatSanit iluani Nunatsiavut nutât sanajaulippata ammalu sanagiallutik katillugit anginippaulâtut atuKatigegiamut suliatSanik.

KUTAILUTANIK SULIALET PITSIASIMAVUT

kampaniup fugâgutingit pijagegiamut suliatSanik silatingani Nunatsiavut suvailfani takKini suligijaunialilluni kenaujaliugiamut sakKititaullutik, unuttuit kutailutaliuttaugiaKatillugit Upper Lake Melville-mi ammalu Nunatsiavummi 2021-mi. NCI sâlaKasimavuk ottugadlutik pingasunik Nalcor kutailutanik suliaKatillugu – ikumaligijet illunga kutailutattâgialik L'anse au Loup-mi ammalu St. Anthony-mi ammalu illuit kutailutattâgialet Churchill Falls-imi. Tâkku suliatSait asianik ullutâttausimajut 2022-mi pitsaKalaungimata upalungadlutilla ammalu tikigunnangiumatillugit atuttaugialet.

AkKutiusimajuk kutailutaliugiamut suliaKanik NCI pitâsimaniammat BP Canadami Nalunaikkutamik kutailutaligiamut. kampaniujuk kamammijuk

nalunaikkutattâgiamut suliaKajutsamik ukutigona Soprema, silatsualimâmi sanajet suliatSanik Kausiligunnangitunik kutailutanik, iluppijanik, ammalu tusâpviugunnangitunik kutailutanik. Pitsiasimajuk pijageguni maggoni jârenni ilausongulâtutuk NCI-kunut suliaKanialilluni pimmagittumik suliatSanik atâni kampanet suliatSangini taimaittunik.

NUTÂT KENAUJATIGUT SULIAKAUTET

Ikajutsijaudlutik Labradorimi Inuit Pannaigutingata kenaujakkuvanga, NCI nutângutitsijuk motakâminik uKumaittuniutinillu. Tamanna pigiasilauttuk 2021-mi pisidlutik nutâmik siKallegutimik pilukagekkutimillu suligijamini Nainimi, ammalu aniukKaigutimik igigatsanik puttugutimmilu aullaujigiamut uKittunik motakânik asitâdlugit unuttunik trakkinik.

UKUMAILUTAIT 2021-MI

Taitsumani 2021-mi tâkkuningatsainak uKumailutaKalaungikalualutillugu 2020-mi pititsitillugu COVID Kanimmasik, jâriulauttuk suli uKumaitsalauttuk. Sanagatsait sâttujât pitâgigunnangiumalugalualutlugit akittugiasimadlutilla 2020-minit. Tamanna kinguvatsiniulauttuk suliatSani ammalu, ukutigonak NALCOR kutailutaliuningit, kinguvasiningit pijagettaulauttut kisiani 2022-mi. kântraktititaujut sollu ikumaliginik ammalu kokvinik puttusigiasimalaukKut akingit, ilogiagutautillugu uKumaigijaujunik

okingit pijagegiamut suliatSanik..

SULIATSAIT UNUTSIGIASIMALAUUKUT

Ilonnatik sulialet nomarangit unutsigiadlutik 52%-mit Kângiutidlutik 2020-mi ammalu Ikajuttaugutilet sulialet unutsigiadlutik 57%-timik.

PILUKATTAILINIK

KAMAGIJAUNGINNATUK SULIALINNI

NCI ikpiniajuk suliatSak pijageniangituk ubvalu pitsialutik kisiani pilukattailiviusonguguni, kampaniujuk kenaujaliuKattavuk unuttutigit pivianattutigit inositsiagittogasuannimi ammalu pilukattailigiamut ilinniatitautillugit suliaKattigit ammalu ilaunginnasialutik Kittaingallutik ilauKataullutik katutjiKatigenut piusiumititsiKattajut ammalu Kimiggudlugit pilukattailigiamut suliaKalluni piusiujut, .

NCI-kut COR-iusimalittut nalunaikkutamik taimanganit 2014. COR tukiKavuk suliatSani pilukattailinik ammalu inositsiagittogasuannik ilitagijaugutittâgijausok ilinnialugu. AtuttauKattajuk immigojunut Kimiggutaumajuk piusiujuk nalunaititsigiamut kampaniujuit ilonnâgut atuttauliaKisimajumik pilukattailigiamut ammalu inositsiagittogasuagiamut aulatsinik piusiujuk atuttauKattajuk silatsualimâmi maligatsatigit.

KAJUSITTITAUMAJUT SULIATSAIT 2022-MI

NCI-kut unuttunik suliatsaKavut ilingajunik 2022-mut, ilangaujuk Nalcor kutailutaliugiaKaninga suliagijaugiaKalauttogaluak 2021-mi, Newfoundland Labradorilu Illuligijet kuaparesanga suliatsanik Happy Valley-Goose Bay-mi, Labrador City, ammalu suliatsanik ånniasiupvimi Labrador Grenfell Health.



LICST kajusititsisimalauttuk unuttunik kenaujanik kenaujaliuttaumajunik NCI-uni 2021-mi, sanajauKatautillugu nutåk ujaganik siKallevitsak illuk. (Adjinguak: NCI)

68%



KENAUJAIT PISIMAVUT
NUNATSIAVUMMIT 2021-MI

NUNATSIYAVUT IMAPPILIGIJINGIT INC.

Nunatsiavut Imappiligijingit Inc. (NMI) pitaKattisivuk sitjami atuttaugunnatunik Labrador satjugiangani imappini ikajutsilugit inuttataukKattajut ammalu usigatsait taggânut siKinganullu satjugiamut Jonimit pigianninganunut December atunit jârimi. Unutsigialaummata kenaujait 2021-mi atuttaulaukKut piusiumititsigiamik pitsianitsanginnulu NMI pijagegamik pingajuani jârimi 15-ni jâriusimalittuni kântraktingagut Labradorimi Imappiligijet Inc.

NMI kajusimajuk kamagiamik inositsiagittogasuagiangit pilukattailigiangillu suliaKattangit inuttaKattajangillu ammalu kenaujaliuttet ikajuttaukKattajut.

PITSIASIMANINGA JÂRIMI

2021-mi pigiasilaukKut ullusamini, sivullipâk usijaugialik angiutausimatillugu Goose Bay-mit Joni 7-mi ammalu sivullipâk ingigganiujuk taggânut pigiasilaukKuk Joni 13-mi. SuliaKannik pijagemmat, adjatusimalaukKut ununnisanik 15,000 tons usigatsanik niuviatsanillu ammalu motakânik 855-nik. Tamammik ununnipausimajok satjugiamik imappikut atjatunnik. Inuttatausimajut kititangit taitsumani COVID Kanimmasimmut attutausimalaukKut 2020-mi suliaKannimini sâlagidlugillu kititangit Kanimmasimmut COVID - attutausimajut

jâringani 2019. Ilisimajuit angijummagimmik piusiumisimalaukKut Goose Bay migvingani sanajautillugu kingullia usilittuvitsak kenaujaliuttet aullatitsiKattajunut ammalu ilagiadlugu nutâmik suliaKautimik suliaKattet usilittotitsanganik ammalu aullatitsiKattalutik usijaugialinnik. Allât ununnisait tikilaukKut nâningani ukiatsâmi, NMI kupalungit kamalaukKut suliagidlugillu aullatitaugialet tuaviutidlugit ammalu kamagitsiadlugit.

Jârimi, kenaujaitigut piusiumisimalaukKut Nainimi Hopedalemilu pitâdlugit nillinattuKautinik tamâginni nunâviukKattattonni akuniungituk piulimatsiviusionik sujusagaittunik Kuasimagialinnilu.

KENAUJATIGUT PIUSIUMIUTIGIALLAUSIMAJUT 2022-MI

December 2021-mi, Labradorimi Inuit Pannaigutingata kenaujakkuvinga kajusititsisimalauttuk kenaujanik atuttaugatsanik nillinattuKautinut ilijauullutik itsavinginni Rigolet, KipukKak, ammalu Makkovik. Tâkkua pisijausimajut nâningani 2021 ammalu iliukKataulâttut 2022-mi suliaKalippata, Satjugiami atuttaukKattajut piusiumititaulâmmijut pisillutik sitamanganik 53 foot takinilimmik Kuatsevîmik aullagialinnik sujugesonik Kuatsimagialinnilu niKinut initsautillugu. Kuatsevîk ingiggasok ikumâlukkut ammalu kappusimasongudluni

pujuliup ikumanginnut ubvalu atulluni utsualummik diesel itsavineningani satjugiami nunâviukKattatumi.

NMI sulî piusiumititsilâmmijuk Itsavinginni Goose Bay pisillutik nutâmik suliaKautimik sanagiaKattalutillu akuniunitsak sakKijâniammata suliaKautet atugiangit aullatitsiutigillugit kaliganik atjatotinillu nunamettunik ammalu ilillugit umiatsuamut.

SULIATSAIT 2021-MI

Ununningit NMI suliaKattangita suliasangit Itsavingani Goose Bay-mi ammalu ilautitsijuk ilaujunik ikajuttaugialinik kiggatuttinik, usijaugialinik sulialet, aulatsijet suliaKattet, NMI suliaKattisiKattavuk itsaviligijinik atunit satjugiami nunâviukKattatuit. 2021-mi, kampaniujuk suliaKattisisimalaukKuk 36 inunnik, 18-nait Nunatsiavummut

NMI-kut sitjami sulialingit suliaKatsiasimalaukKut pitsiadlutik jârimi taggâni siKinganilu satjugiami imappini suliaKadlutik. Atjatudlutik usijaugialinnik ammalu atjatudlutik motakânik unutsigiasimalaukKut 2021-mi, ammalu inutataugialet unutsidlutik KanimmasiKagaluattillugu 2019-mi. (NMI adjinguangit)

PINGASUNI- JÂRINI KAUIJISANNIK
(Usigatsait, Inuit, Motakât)


	2019	2020	2021
Usigatsait Usijaumajut	12,518	14,696	15,486
Inuit	4,008	3,154	4,350
Motakât	336	504	885



NULUAK OGANNIATINGIT

Nuluak Oganniatingit kamaKattavut oganniagait laisinsinginnik pijaugialinnilu kotanik namminigijaujut Labradorimi Inuit kenaujanik Pannaigutingata kenaujakkuinganut. PiuliukKaiKattajut kenaujaliujaminik taggâni kingupvaniannimut ammalu Atlantic karâllimilu natânnanik aullaigamik kenaujaliudlutik PiKalujak ammalu Dominion Trading Limited tautsekatannimut.

Nuluak Oganniatet pitsialauttut 2021-mi, aittuigunnasitsiadlutik LICST-kunik kititaumajunik kenaujanik. Taimaigaluattilugu, unuttut uKumailutait attuiniKalauttut ilonnânik piusiumik, ammalu sitonditsanginnik aullaigatsatagiamut, ikilliumitillugit kotangit, sikuit pitsitillugit, Kanimmasik, pitâgigialingit umiatsuap aullaigatsataKattajut LICST kingupvanik kotanginnik. SakKisimalaukKuk 2021-mi taggâni kingupvait kotangit pijausimalaungitut taitsumani jârimi. kotangit pijaulâttut 2022-mi ilallugit amiakkosimajunik 2020-mi kotausimajut. Tamanna ikajutsimaginiakKuk piujumik Nuluak kenaujaliunninginni 2022-mi.





Nuluakkt kingupvait pigialingit suliagijauKattatut imappimedlutik nutânik suliaKautilinni umiatsuani (sivungani pâginâmi). PijauKattatut pokKatauKattajut usingijattaudlutillu Newfoundland usilittuvingani aullaigatsanik nunatsualimâmi.

(Adjinguat: PiKalujak Oganniatingit ammalu Imappimi kingupvaniattet)

NUNAK NUNAK KUAPARESAK (Nunak)

2021-mi, Nunak kamaluasimalauttuk pijagegiamik piusiumitillugit maggok piKutegik, Morhardt-imi Illuk Nainimi ammalu NGC suliaKapvinga Happy Valley-Goose Bay-mi. Suliagijauningit pijagettaulauttut maggonik Kuligelet (âktait illuit) Happy Valley-Goose Bay-mi, aulatauKattajut Goose Bay-mi kenaujangitigut Illunginnut. Ilonnatik pingasut suliaKattajut pijagettausimalauttut Nunatsiavut Sanajinginnut Inc.

Morhardt-imi Illuk attatuttauninga initsaKatitsivuk sulialinnut Nunatsiavut kavamangata ikajuKattatanginnilu. 2021-mi suliaKattajut asitâgidlutik kutailutanik. Tamanna pijagettaulaukKuk nutângutidlugu 2020-mi pigiasittausimalauttut nutânik silappiatâdlugu, igalât, ammalu majotnik.

NGC suliaKapvingit illuit atuttauvut akuniunitsak suliaKattinut ammalu aulatsijinut suliaKattinut. Sanagiattaulauttut 2021-mi piusitidlugit suliaKapvet ammalu initsaujuit, ammalu angilitigiallugu angajukKauKatiget katimavinga initsaugunnatillugu katutjiKatiget unutsivaliammata pigumajanginnik.

Sitamait illuit atautijut Happy Valley-Goose Bay-mi aktatuttauKattajut Labrador Friendship Centre-ikkunut. SuliaKattajut 2021-mi mingugisimalaukKut ammalu Kuigiattuvigut nutângutidlugit ammalu pijagedlugu suliaKattajut pigiasijausimalauttut jâriup sivungani suliaKattajut igalât asitâdlugit ammalu silatinga mingugiallugu.



AngajukKauKatiget katimavinga NGC-kuni suliaKapvilagingani Happy Valley-Goose Bay-mi. (Adjiliugisimajuk: Janice White)



NGC IKAJUTSIUTINGIT INC. (NSI)

NGC Ikaajutsiutingit Inc. (NSI) aulatsiKattavut Nigivimmik Café Illusuak ammalu pisiniavimmik Illusuak IlikKusiligijingita SuliaKapvinganik Nainimi. NSI aulatsiKattagivuk InigijauKattajumik Torngat KakKasuanginni SilakKijapvimi atuttautillugit Air Borealis. Tamammik aulataujok kajusimajumik attutauniKasimalauKok 2021-mi pitjutautillugit inuit inositsiagittogasuagiamut maligatsangit atuttausimalauttut Kanimmassittâtailigasugiamut COVID-19-mik..

CAFÉ NIGIVIK AMMA NIUVIGVIK

Inuit inositsiagittogasuagiamut maligialingit sakKimata 2021-mi, Nigivik Illusuammi aulaningit KaningitagegiaKaningit illop iluani nigivimmi aniutjisongulauKut niKinik. Tamanna uKumaittolaugaluattilugu aulataugianga, Nigivimmi suliaKattet kajusimalauKut pitaKattisigiamik piujumik kiggatugiamik ammalu sungiutidlutik pitsatujummagimmik inulimât tamânejut piusiumitillugit nigittisitsigiamik.

Tamânelauninginingit niuggukatattet 2020-mi ammalu 2021-mi attuiniKammagilauKut tamâginnik Nigivimmik niuvigvinganillu. Taimaigaluattilugu, Nigivik pitsatujumik pigunnaKuk kamalluni pigumajanginnik nunalinni kiggatuttaujut ammalu niuggutet ingiggagiamut maligatsait uKilliumituappata.

INIGIJAUKATTAJUK

Tusagatsasiat nâningani 2021-mi InigijauKattajuk tigulagiasilaunniinga tamaungagumajunik 2022-mi. Aigumajuit angmataulauKut Oktoberami ammalu inuit Kanuttojut pitsatuniKammagilauKut.

NSI ammalu Air Borealis ikajuttigelauKok ilautillugit SilakKijattuligijet Canadami, Nunatsiavut kavamanga, ammalu Oceans North ikajuttigellutik salummasaigiamut nunanganik ikajutsilutillu sanagianimmik 2020-mi. Nunatsiavut kavamanga sanagiallatitsilauKuk 2021-mi.



PiKutingit Nigivik Illusuami Nainimi nutângutigiattaumajut 2021-mi. COVID-19 Kanimmassik attuiniKalaugaluattilugu aulatsigiamut nigivimmi, suliaKattet kajusimalauttut pitsatujummagimmik ikajugiamik. (AdjinguaKattisujuk: Sarah Leo)


Nunatsiavut
Solutions

GOOSE BAY-MI KENAUJANUT KUAPARESA (GBCC)

Angmatauninga KikKangani Labrador YMCA (Ikailisavitsak) Nunalinni KikKangani 2021 angijummagimmik pigiannusimavuk pivalliataninga GBCC-kut 310-acre anginilik initsaujuk illunullu pivalliaivitsak. NGC/GBCC ikajuttigedlutik Nunalinni Happy Valley-Goose Bay ilitagijauluttuk nunait nottitauniammata, angijummagimmik atuttaumajuk pivallianikkut ammalu sanajaummat ikailisavitsak.

GBCC kajusimajuk amusigajammangâmmi Kanuttomagittunik pivalliajunik. Ininga KikKani ammalu atuinnaugunnatut akKutitigut ammalu initsasiak aullaigatsalinnut ammalu inuit suliaKapvilet Kanuttoninginnut.

GBCC aulatsiKattavuk atâni Nunak Nunak kuaparesangani.



Labradorimi Inuit kenaujanik Pannaigutingata kenaujakkuinga



Nunalet KikKangani pivallianiujut umiat 310 acres anginilik, nãmmasijuk aullaivitsalinnut asinginnulu atusonut. Gears Gains ammalu YMCA iniKavok tagvani inigijaujumi ammalu kajusimajut pitsatujumik Kanuttojunik pivalliagutilinnik. (*Adjinguat: Janice White*).

Sivungani pãginãmi: Sananguasimajuk pivalliajunik Nunalinni KikKangani. (*GBCC*)



(Adjinguak: TSI)



(Adjinguak: Air Borealis)



(Adjinguak: Timmiak Sanajet Limited)



(Adjinguak: Bird's Eye Inc. for NCI)



(Adjinguak: Timmiak Sanajet Limited)

TORNGAIT SULIAKATTISIJINGIT INC. (TSI)

2021 Jāriulaugivuk aulatsiadluni TSI-kuni Vale ujuganniavingani Tasiujatsuami. Inigijaujumi suliaKattisiKattavuk 2005-iminit, TSI suliatatāttausimajuk suliatSaKattisilluni pigusimalittut ilonnāgut ujuganniavimi suliatSait pivalliasiasimammata.

Unutsiumisimajut sanagiamut pivallianiujut ilagiagiaKasimaniadlutik suliaKattigit tingijonik kamagiamut, iningani ingiggautinik, piulimatsivet, KimiggutauKattajut kamagillugit, napāttuit nakatillugit ammalu iniujuk manitsasiallengu, ujuganillu siKallevik ujugakattisiKattatuk anginingit adjigengitunik suliatSanginni tatattuiKattadlutillu ititsanik initsauniattut nutānūt ikajutsiutinut tikillugu akKutet kamagijauninginnut.

SULIATSAIT PUTTUSIVALLIATUINNATUT 2021-MI

SuliatSait aulavalliatuinnatillugit suliatSaujuni adjigengituni jārimi, ilonnāgut, suliatSait puttujosimajut. TSI suliaKattisiningit tikisimalaukKut 270-nut 2021-mi ammalu 259-medlutik nāningani November. 34%-tingit suliaKattet Nunatsiavummut IkajuttaugutiKasimalauttut.

ILINNIATITSINIK

TSI-kut ilinniatitsisimaningit pitsiasimajut piusiumitidlugit ilisimagettangit ilonnaini ilinniatausimajuni, pigiasidlutik piulitsigiamik inummik pilukattailigiamut ilinniasimajut tikidlugunūt initsaKatsiangitumi suliaKagiamut, tikidlugunūt aulatsigiamik angijualunnik uKumaittuniutinik, Ilinnianik, kamagidlugik maggok iniujumi ilinniatitsijek, ilisimavut ilagiadlugit pimmagiuningit Vale ujuganniavingani novallianinginni nunaup iluani ujuganniagiamik. Vale nigijujuk nunaup iluani ujugannianik aulataulāttuk 2034-munut, tamaungaujillutik pitsiasimajunik kajusimallutik suliaKainnaniattunik ikajuttaugutilinnik pigialimminik ilinniasimallutik.

Ilinniatitsinik tugāvuk ilonnainut TSI suliaKattiginnut. IlinniaKattajut illugusimmi ammalu 'itsivasonguKattadlutik' suliaKautini ilinniatitaudlutik

ilinniatitsijinut, pigunnaniattut ininganosongulillutik sulialillaget ammalu isumagijaunialillutik suliaKainajutsaunialinningit suliatSani.

Unuttumaginnik unutsigiasimalittut ilonnāgut ilinniatitaudlutik ammalu suliaKautinik ilinnialutik sitondinik kajusimajut papvisāttaugaluadlutik Kanimmasimmut, takutitsigunnalidlutik unutsivallianimmik ilinnialutik sitondinik 2020-mi ammalu 2021-mi.

Unuttuit Ikajuttaugutilet ilaugunnalikKut suliatSani TSI-kuni aulatsigunnalutik adjigengitunik uKumaittuniutinik suliaKautinik. Asinginnik pitsiasimajunik pitaKagivuk tagvangat ilinnianiusimajumit, Ikajuttaugutilet nosimalittut suliatSanut iningani kântraktitigut ubvalu suliaGennanialittamini ujuganniavimmi.


Asiagut ilinnianiuugasuasimajuk ilingatillugu Ikajuttaugutilinnut adjigengituni suliatSaujuni ujuganniavimmi takKiuniattuni nainani kinguvasittaugiaKasimalauttut 2021-mi. SuliatSanut Atuinnaugiamut Ilinnianik (JRTP) kinguvasittitauniattut 2022-mut, illisait ilonnatik atuttaumata inigijaujumi tujummiuvini inuKammata sulialinnik. TSI ikajutsisimainnaniattut tamakkuninga ākKitausimajut sungiutigiangit ottugasimajut suliaKagiamik ujuganniavini ammalu inosinginni suliaKapvini inigijaujuni, ilautillugit tingiKattagiamik suliaKagiattulutik angiggautijauKattalutillu maggok wogek nāppanik suliaKapvimi nallikatāllutik.

SIVUNITSAK

UKálautinik pigiasisimalikKuk nâningani 2021 akunimogiakKudlugit TSI iningani ikajutsiutet kântraktet ullusanginni Âprel 2022-mit tikillugu ukiatsâk 2023, taitsumani nigiummata ujuganniavik angiligiasimalâlimmat suliatsangit pijageppata. TSI-kut Kanuttojogaluat tamânelânniminik inimini kântraktititaullutik pigiasituappat nunaup iluani ujuganniavik pitsialunilu.



Sitamani-jârini atjigetitsinik Ilinnianimmut Sitondinik TSI-kuni suliakattinik Vale ujuganniavingani



AIR BOREALIS

Taitsumani 2021-mi Air Borealis Kangatatitsisimalauttur tusagatsanik piunippaujumik pisimatillugit taimangani sakKititaulaummata June 2017-mi. Piusiumisimanik unuttunik pitjutiKasimalaukKuk. Inuit atjatuttaugiaKaningit piusiumisimalauttur 100%-tikasâmik KanimmasiKatillugu ammalu unutsigialladlutik atjatuttaugialet. Adjigengituit iKalunniavilet silakKijapvinik ammalu pimmagittumik aulataugialet ikajutsisimalaukKut ilonnâgut sulialinni atudlutik puttagutilinnik tingijonik.

Kulimigolet kajusimalaukKut piguvalliadlutik ammalu kampaniup kampaninga isagulinnik kântraktiKattajut pitaKattisidlutik tuaviutijaugialinnik ammalu tingijokkogialinnik ânniasiupeviliallutik Labrador Grenfell Ânniasiupevinganut nutângutitausimalauttur ilagiadlugu maggonik jârennik tikillugu 2023. Asingit aulataujut, ilauKatautillugu Kaujisannik apvinik SuliaKapvingani Oganniatuligijet Imappiligijellu pitâgunnanik utsualutsanginnik Vale ujuganniavingani aulatsigiamut ikajutsisimagivuk tingijot pitsiasimaninginnik 2021-mi, unutsigiadlutik 20 miljuninik litres sivunganinit jâriusimajumit. Tamakkua pivallianiujuut pigunnatitsilaukKut Air Borealis utigunnaKudlugu iluittolittilugit 150 suliaKattet.

2021-mi, kampaniujuk sakKititsilaukKuk atjatujunik usigatsanik takunnasogilidlugit Kagitaujatigut. Ininga takutitsigunnaKuk aulajunik takutitsiluni usijik usituaalimmat atjatugialimminik tikinninganunut upajaminut. Tâna imminik pisot takunnautik pigunnatitsivuk usitujaujut KaujimaKattaniammata nanelimmangâta nigugijangit umiakkut.

Air Borealis aulatsiKattavuk Torngat KakKasuanginni InigijauKattatumik ilautillugu NGC SuliaKattisijingit Inc. 2020-mi 2021-namilu nukKatitausimalauttur ingiggagiamut maligatsait pititsitillugit ilingajut Kanimmassimmut. Taimaigaluattillugu, angikKatigelauttut ukiatsângani 2021 pannaigiamik suliatsanik 2022-mi ammalu ilauKataugumajut angmatitaulauttur Oktoberami.

NUTÂK TINGIJOK PITÂGIJAUUVUK

Air Borealis ilagiatsilaukKut senanganik Maggulimmik Tingijomik 2021-mi, pigunnasittisidlutik anginitsamik aulatsiagunnalutik tingigiamut tamâginni inuttajangit usijaujullu silak ingiggagunnangititsiKâtillugu, ammalu pitaKattisillutik piunitsamik inuit ingiggagiamut ânniasiupeviliallutik takujauvitsaminut. Ilagiagutik tingijok pigunnatitsigivuk Air Borealis atuttaunitsanga unutsigiasimajut tingijot atuttaugiaKaningit ujuganniavik angiligiasimatillugu pigiasimmat Tasiujatsuami.

KULIMIGOT ATUTTAUNINGIT

Air Borealis Kulimigot aulaKattatangit, pigiasisimalaukKut 2020-mi aktasidlutik Custom Kulimigonik, takutitsigunnaKut angijumik pitsiasimaningit. Pigiasiupeviliadlutik aktasigiamik atautsimik A-Star B2 tingijommik, aulatsiniusimajuk piguvallisimavuk maggonik iladlugit Kulimigonik, kingullia B2, ammalu Bell Long Ranger 206.

Tingijok pingajunganelittuk pingasuni-jârini kântraktigingani Vale ammalu pigiasigutik pingasuni jâriniattuni tingiKattalutik Newfoundland Labrador Hydro ikumaligijingit, pivitsaKagiallallutik maggugiallânik jârennik. Kulimigot aulatsiKattagivut ikajutsigiamut ujuganniagatsanik Kaujisagiamut Labradorimi ammalu asinginnik ikajuttaugialet pigumajanginnik. Atâni âkKiutausimajuni Custom Kulimigoni, Air Borealis aktasigunnaKuk ilagiallugit tingijot kenaujaliuvingit unutsigiappata.

IKAJUTSIGIAJET PIUSIUMITITSIGIAMUT

Pimmaget pivianattut ilijausimavut ikajutsitaugialinnut piusiumitillugit 2021-mi. Angijumik sanagiattaugialet suliajaulaullut Hangar 18-mi Tingijokautimi initsaliugidlutik usijaugialinnik. Inuit inigiKattajanga usijaugialet iningani piusiumitidlugit ilungit tingijokapvilu aulatsisiaKattaniammata usijaugialinnik usijaujuit tikinninginnut tugâviminut usilittutaullutik tingijommut.

Air Borealis kajusimainnaniattuk piusiumititsiluni suliaKautiminik 2022-mi kenaujaliusimadlutik nutânik nunami suliaKautinik atuttaugatsanik usilittugiamut usingijagamullu tingijonit. Tingijot sanagialâttut ilagiallugu tingijokautik ammalu angilitigiallugu SuliaKapvingata ininga.

KAJUSIMAJUT KAMAGIAMIK PILUKATTAILIGIAMUT

Air Borealis kamagialik pitaKattisilluni pilukattailigiamut ammalu tatigijaugunnalutik ikajugiamut ikajuttaugialinnik ammalu akilittuiKattajunik, SuliaKattet ilinniatitauKattajut kamagijauKattajut taimaimmat ilonnatik kampanimi Kaujimaniammata kinakkomangâta pigumajaulippata sunanut suliansanut, ilauKatautillugu pilukattailinik ammalu suliansanik ilisimigiamut.

Tingijot kamagiaKagivut tingijongit kamagijautsianinginnut, tamammik atuttaunginnatutigit ammalu akuninut kamagillugit suliajajauKattajut. 2021-mi, pingasut Maggolet Tingijot kamagijaulaullut tallimanut jârinut mangitunilimmangâta, sâksini wogini suliajagidlugit atunit tingijot. Taitsumani suliaKatillugit, atunit tingijot iguttitaulaullut Kinidlutik mangituniKammangâta ammalu alittuniKammangât.

Air Borealis ilatsilauttut senanganik Maggulimmik Tingijomik tingijomminut 2021-mi. (Adjinguak: Air Borealis)

SIVUNITSAK

Air Borealis kajusimajuk kamagiamik piusiumititsigiamut atuttauKattajunik Labrador taggâni satjugiami ammalu tamânejunut kenaujalinnut ammalu suliaKattiminut ilaugumaKattajunut. kajusijumik, tingijot Kinijammijut ilagiagutitsanik pivitsaujunik ammalu nigiujut angiligiatitsigiamik nutânik pisigatsanik 2022-mi. Angiligianiappata pisigiaKagajattut nutâmik tingijomik ammalu tigulallutik tingijottisanginnik suliaKattisanginnilu.







2022-mi, Air Borealis ilauKataulâmmijuk Moncton Flight College tingijosongugiamut ilinniavik ilinniatitsilutik Happy Valley-Goose Bay-mi. Kanuttojut pitaKattisippata tingijosongugiamut ilinnianimmik Kanitanginni angiggangita, ilinniajuit Labradorimit suliatatâgumagajattut tingigiamik inuttâniattulugit suliatit Air Borealis piguvalliamata ammalu suliatit sakKivalliammata.





Kângani saumiani: Air Borealis Maggulik
Tingijok Nainimi December 2021. Talippiani:
Nutâk nunaup iluani anittigiutitsak suliaKautik
Goose Bay-mi, ilanga tingijot inigiKattajanga
kenaujaliugutigidlugu 2021-mi. Atâni: Tingijot
puttasot ininga ikajutsitauKattatuk ogannianimm
omajutsiunimm silakKijattinut ammalu ujaganik
Kaujisagamut pivallianiujuut.
(Adjinguat: Air Borealis ammalu Brianna Ricketts)

Pingasuni-jârini Kanuilingalimmangâta Air Borealis

	2019	2020	2021
 MAGGULET TINGIJOT	9	9	10
 KULIMIGOT	-	1 <small>sivullipângani jârini atuffaujut</small>	3
 TINGIDLUNI SITONDET	10,000	11,000	14,500
 INUIT ATJATUTTAUMAJUT	26,000	15,052	16,000
 USIGATSAIT ATJATUTTAUMAJUT	4.25 MILLION PAUNNET	3.5 MILLION PAUNNET	4.6 MILLION PAUNNET
 TUAVIUTAUGIALET/TINGIJO KKOSIMAJUT	150	230	333

KATIDLUGIT NUNATSIAVUMMI PITA KATTISI KATTATUT (INL)

2021-mi, katidlugit Nunatsiavummi Pita Kattisi Kattatut (INL) pijagesimalaukKut kingulliani jârimi maggoni jârenni kântraktimik aulatitsigiamik suliaKautinik atugatsanillu ikajutsigiallugu Tasiujatsuami Ujaganniavik Angiligiallugu suliagijanga. AullaujisimalaukKut atudlutik sepanik kaliganik Kangattaigitilinnik ammalu maggonik umiatsuani.

INL ikajuttuKatauvuk akungani Nunatsiavut Imappiligijet Inc. (51%) ammalu katillugit pitaKattisiKattajut (49%) ammalu atjatojigunnadlutik kamatillugit asingit aullatitsigumajut. UsingijattiKavut usilittutinillu Vale ininga tamânettitauijut kamatillugit Torngait Services Inc.

Nâningani 2021, INL kajusimalaukKuk Kinigiamik nutânik pivitsaujunik.



katidlugit Nunatsiavummi PitaKattisiKattatut pijagesimalikKut 33 kaliganik Kangattautilinnik ammalu aullatidlugit ikajutsigiamut Vale nunaup iluani ujaganniagiasinninganut angiligiasimalaummata 2018-mi (INL adjinguangit)



TIMMIAK SANAJINGIT LIMITED

Timmiak Sanajingit Limited ikajuttigenniuvuk uKumaittunik inuit sanaKattatullu kampaniujuk angijummagimmik ilauKatausimajuk pitaKattisidluni suliatsatigut ikajutsinimmik Vale nunaup iluani ujuganniagiasinitsanganik.

Namminigijaujuk 51% ukununga NGC ammalu 49% ukununga Bird Heavy Civil Limited, Timmiakut pivallianigisimajangit 2021-mi pijagedlutik matullugu Vale kântraktingit. Tâkkua kântraktet pijagettaulauttut pingasuni jârini:

- PitaKattisidlutik Kuagesonik Kuattiganik
- Inuit suliaKattidlugit ikajutsigiamut nunaup iluani angiligiattautillogu suliatsak
- Kuattigak akKutik pulaviusok nunaup iluanut
- SuliaKautet aktatuttauningit

Asiagut kamagiKattajamitut uKumaittunik inuit kamagiaKaningit, Timmiak takunnavut angilititsigiamik suliaminik nutânik pitâllutik, ilautillugit ilutsisait, suliaKautet, piusiuujuk, ikumaliginik, ammalu nitjautet nipilet (SMPEI), ammalu kântraktet ilumiutangit.



PAN UKIUTTATUMI INUIT IKAJUTTIGENNINGIT (PAIL)

Ukua Nunatsiavut Group of Companies ilangauvut katutjiKatigenguKataulluni sâksinut Inuit kenaujaliugutinginnut kuaparesanut adjigettumik ilauKatigedlutik ukunani Pan Ukiuttatumi Inuit Ikajuttigenninginni (PAIL). PAIL pigiasisimajuk 1994-mi Kinigiamut kenaujaliugutinik ikajutsiutitsanginnik Inuit ammalu nunalingit.

PAIL ammalu ATCO Frontec namminiKavut Nasittuq kuaparesanganik, pitaKattisijuk nunamiutanik aulatsigiamullu Canadami Kaujisagiamut 90-nik illunik angijummaginnik CFS Taggumajunniutinik Nunavummi.

Taitsumani 2021-mi, Nasittuq kiusimalaukKuk kavamanganik Canadaup, Kinugasimalauttut aulatsigiamik Taggâni Taggumajunniutinik, 47 takunnautet iningit ilonnâni Canadami Ukiuttatumi ammalu tamânejut piusiumititsiKudlugit Taggâni Canadami silatimi. Januar 22-mi, Nasittuq aittutauluttuk kântraktimik sepanut jârinut ilingajumik sitamanik maggonik- jârennik pivitsaKadlutik. Atâni maligatsait PAIL-ATCO Frontec ottugasimatillugik, angittauluttut PAIL ilonnagalangagut namminiKalluni Nasittuq kuaparesanganik katingajet aittutauniappata Taggâni Taggumajunniutinut kântraktimik.


PAIL-kut ikajuttingit kajusimajut uKâlautiKadlutik asinginnik kenaujaliugiamut pivitsaujunik ikajuttaunitsanginnut Inuit ilonnâni taggâni. 2018-mi, ikajuttiget Inuit Pivalliatitaunitsanginnut kuaparesanga katutjiKatigennik pitsatunittâKullugu federal kavamanga Kanuk pijutsaumangâta sanagiamut, tautsenikkut, ammalu kamajutsaumangâta.





Pigianningani 2022, unuttut Inuit kenaujaliugutilingit kuaparesait, ilautillugu NGC ammalu ikajuttinga ATCO Frontec, pitsiasimalaukKut sâlaKadlutik kântraktimik aulatsigiamut tigumiallugulu Taggâni Taggiumajuniutet. Nasittuq kuaparesanga kamaniakKuk suliatSamik atâni sepait jâret kântraktingani, sitamani ilagiallugu maggonik-jârennik.

(Adjinguak: Nasittuq kuaparesanga)

A concrete mixer truck is parked in a construction site. Several workers in white protective suits and yellow hard hats are standing around the truck. The background shows a rocky, excavated area with orange tarps and construction equipment.

Sanajauninga Kuattiganik akKutik nunaup iluani Vale ujanniavinga nunaup iluani angiligiattausimajuk. (Adjinguak: Timmiak Sanajingit Limited)

A long, yellow safety railing runs along the side of a tunnel. The railing is made of metal bars and is supported by concrete blocks. The tunnel walls are dark and rocky. A piece of construction equipment is visible in the background.

Pijagettaulinninga akKutik sanajauninga Vale nunaup iluani ujuganniagamut. (Adjinguak: Redpath Canada Limited)

INNU-INUIT IKAJUTTIGET

NGC-kut ilangausimavut Vale u jagannianingani taimanganit Torngait SuliaKattisijingit Inc. Ilaugiasilaummatanit suliatsani ununnisanit 20-nit jãriusimalittuni. Vale uKammat pannaigiamut pigiasigumaligamik nunaup iluani, NGC ikajuttitãlaukKuk sivukkatadlugit Canadamiut ammalu silatsualimãmi kampaniujut ilauningit u jaganniajut pivallianinginni, iggaviligini, sunaillu, ammalu sanannik. NGC-kut kenaujaliuKataugiasimmata pitsatuninginni Innu Pivalliagutinginni Limited Ikajuttiget (IDL) sakKititsigiamut pitsatujumik Labradorimi NunaKakKãsimajut kenaujaliugiamut kamagiasimmata kãntraktinik Vale-mi.



Innu-Inuit Redpath LP

Ukua ikajuttet sakKisimajut 2018-mi ammalu sanasimajut ujuganniavimmi nunaup iluani akKutinik sitinik majugapvinillu.

Innu-Inuit MacLean LP

Innu-Inuit MacLean kamaluavut uKâlautinik ujuganniavimmi suliaKautinik Vale suliatanginni.

Innu-Inuit Kiewit Sanajet

Ukua kampanet kamaluajut uKumaittunik, iggaviliginiq, ikumanik, ammalu sanajaugialinik sanaKattadlutik.

Innu-Inuit PDI GP Inc.

Innu-Inuit PDI sakKisimajut 2017-mi pitaKattisigiamik ujuganniavimmi anugatâgutitsanik ukkuanginni Vale. Innu-Inuit PDI kajusimanniattuk pitaKattisilluni atugatsanik, ammalu âkKisuigiallaKattalutik ikajullutillu nunaup iluani ujuganniajunik.

Innu-Inuit Toromont GP Inc.

Una kampaniujut timingutitausimajuk 2017-mi ammalu pitaKattisijuk ikumanik suliaKapvinik Vale ujuganniavingani.

ACI Labrador LP

ACI ÂkKisisimavuk atuttauluajumik ujuganniavimmi anittigiutimik, ammalu nunaup iluani atuttaujuk anittigiutik.

Innu-Inuit Foraco LP

Innu-Inuit Foraco ikajuttiuvuk pitaKattisijuk diamantinik putoggutinik atuKattajangit Vale-mi.



Tasiujatsuami siKinik pulalittuk.

(Adjinguak atuttaujuk angisimatillugu Dyno Nobel)



Tasiujatsuami siKinik pulalittuk.
(Adjinguak: TSI)



Sanajaumajuk akKutik nunaup iluani Kuattitaumajuk Vale nunaup iluani ujaganniansanginnut. (Adjinguak: Timmiak Sanajingit Limited)



NCI suliaKattingit Nainimi ilaulauKut pilukattailigiamik ilinniajunut 2021-mi. Inositsiagittogiamik pilukattailigiamillu angijumik ilangauvuk NGC aulatsininginni ammalu ilangauvuk maligatsaudluni katutjiKatiget kuaparesangani Inuit kamagigiamut suliatlak. (*Adjinguak: Janice White*)

**KATUTJIKATIGET INUIT
KAMAGIGIALINGIT**

Ukua Nunatsiavut Group of Companies kamaKattavuk inuit kamagigialinginnik atudlutik katutjiKatigengata Inuit kamagijaugiaKaninginnut (CRS) suliaKattajangit ilingatillugit pitsiataugiaKaninga avativut, suliaKattet, Nunatsiavut Ikajuttaugutilingit, ammalu Nunatsiavut nunalingit.

Ukua CSR suliaKattet âkKitausimajuk sâksinik tungaviKatillugit:

- kamagitsialugu attutaugesok avatik
- Paitsilutik inositsiagittotitsigiamut pilukattailillutillu
- Ikajutsilutik suliaKattet
- Ikajutsilugit nunalinni kenaujaliugutet kenaujaliutsianingitigut suliaKattet
- Ilingajut Inojugut ilikKusittinut
- Aulatsialutik ammalu takutsaulutik



**NGC-kut suliaKattetKattavut adjigengitunik suliaKattet
pitsianiammata CRS pigialimmini:**

- uKilliumitillugit avatini ulugianattuit adjigengituni suliaKattet;
- piusiumitillugit suliaKattet inositsiagittogasuannimi ammalu pilukattaililluni atullutik ilinniatitaunimmik ammalu atullutik tusâjausonik nipikkut pilukattailigiamik piusiujut;
- kenaujatuinnaat ubvalu utittigiaKangitut tuniggusiat Nunatsiavut Ikajuttaugutilinginnut, nunalet, ammalu nunalinni katingajet.

Ukua LICST ammalu NGC âkKisilauttut nunalet takugiattusongutillugit halolagiattulutillu katinganiammata suliaKattet katimatitsidlutik Nainimi Auggos 2021-mi.

(Adjinguak: Janice White)

Kingullia Pâginâ:

Kângani: NGC ikajusimalaukKuk Ikajuttaugutillinnik uKumaittunik Kangattaisoik ilausimalauttut Nova Scotiam.

Atâni talippiani: NGC suliaKattet Nainimi ilaujut sananguatinut,

Saumiani: Nunatsiavut Ikajuttaugutilingit Tingijotti (mâna

AngajukKângulittuk Kayla Torarak Ammalu AngajukKâk Neil

Purchase ammaluNunatsiavut paitsijingit suliaKattet, tigumiajut

pommik ilumiutalimmik Moderna kapputinik atuttaugialet nunalinni

angiggangani Hopedalemi. (Adjinguak: Kângani talippiani, tunijaumajuk;

atâni talippiani: Janice White; atâni saumiani, Tina Buckle)

KITITAIT AITTOTAUSIMAJUT AKINGIT 2021-MI

Atautsik anginippâk CSR aittotigisimajanga 2021-mi 81,000 paunnet putjotivait kotanga namminigijaujuk LICST, tâvatuak aulatauKattajuk Nunatsiavut kavamanganut. kavamaujuk ilauttisiKattavuk immigojunik Nunatsiavut aullaigatsaliuttinginnik pigiamut kotaujunik. Akinga putjotivaup akitujummagiulaukKuk 2021-mi taimaimat kenaujait akingit aittotitsait akiKalaukKut \$600,000-tut. katidlugit NGC aittotingit \$50,200.00 nunalet katingajinginnut niKinut ammalu Kijunut, \$18,500 nalunaikkutatsanut ilinniajunut unuttunit kampaniujunit, ammalu asingit nunalet sollu tingijokkogiamik tikkattinut ammalu aittotinut, kenaujait akiKalauttut NGC-kut CSR-kunut aittotet \$700,000-tut.

Tâkku kititangit ilautitsingit unuttunik NGC asingillu kampanet atusimajanginnik avatet paigijauninginnut, inositsiagittotitsinimmut ammalu pilukattailinimmut, takutitsigiamut pigialimminik takutsautillugit ammalu tatigijausongullutik.



AITTOTET TUNITJINIKKUT AMMALU AITTUIGIAMIK MALIGATSATIGUT

NGC aittuisimalaukKuk \$3,200-tut ikajugiamik inosuttunut ilingajunik, pinguanimmut, ammalu atuttaugatsanik immigojunut atâni Tunitsigiamut Aittuigiamullu Maligatsakut 2021-mi.

- Ikajudlugu DHSD Bikekut Takugatsautillugit inosuttuit Nainimi ilingatillugu Imminiattailigiamut Wogingani
- Ikajudlutik atugatsatigut Nainimi, KipukKak, ammalu Upper Lake Melville mi ikajutsilugit kenaujaliutsiaKattangitut Ikajuttaugutilet
- Ikajudlugit inosuttuit pinguagalagiamut

NGC KimigguKattavuk nKinugautinik kamagiamut ukuninga:

- Pivallianitsangit ilingajut sugusinut inummaginnulu
- Sunait ilingajut piulimatsigiamut Inuit ilikKusinginnut
- Nunalinni katimajet kamaluajut ilonnainik Kanuittailinitsanginnut nunallet Nunatsiavummi
- Silatsuak inositsiagittogutaulluni





NGC ikajuKattavuk Ikajuttaugutilinnik ilauKattatunik pingujunut, sollu uKumaittunik KangattaiKattajut, hockey, Lab Cup tukkanguak, ammalu volleyball pattanguak. NGC ikajuKattagivuk nunalinni sollu Nainimi Bike Rodeo takugatsautillugit kamatillugit Nunatsiavut kavamangata SuliaKapvinga Inositsiagittotitsigasuannimut Inuillu PivalliaKulllugit ammalu RCMP puleset. Adjinguak: (Saumiani, T.J. Gear; Bike Rodeo takugatsak, Nunatsiavut DHSD)

AITTOTET NUNALET KATINGAJINGINNUT IKAJUTSIGIAMUT NIKINIK AMMALU KIJUNIK

Taitsumani December 2021-mi, NGC aittuilaukKuk \$50,200-tut nunalet katingajinginnut Nunatsiavummi ammalu Upper Lake Melville ikajugiamut pisiniallutik niKinik Kijunillu

Nain	TaKuaKautik NiKittalik	\$20,100
Hopedale	HICG NiKittalik Kijunillu	\$10,600
Makkovik	Makkovik KijuKautinga/Kijunik kamajet	\$6,600
Postville	PICG NiKiKautik Aittotitsanillu	\$3,100
Rigolet	St. Timothy's NiKiKautik	\$5,600
Happy Valley-Goose Bay/Mud Lake	Max Winters Nunalet Kuatsevinga	\$3,100
North West River	Sivunivut Inuit Nunalet Corp. Kuatsevinga	\$1,100

kenaujait aittotaumajut NGC-kunut ikajusimavut nunalet katingajinginnik kamagiamut ilingajunik niKinut ammalu pisigiamut Kijunik. Ilonnatik katingajet pitâsimalaukKut kenaujanik aulatsigiamut akilittutaugatik ikajuKattajunik. NGC ilitatsijuk sulianginnik piulimatsigiamut inositsiagittogiamut ammalu pitsiajunik nunalinnik.

Nakummegiallak Inovianut 2021-mut ilingajut aittosianut. TikitaulaukKugut kenaujanik, aittotiginiadlugit imailingatillugit:

- \$2,500 ilingajut Inoviani NiKitsanut
- \$500 ilingajuk NiKinut Aittotitsanut

Glenda Sheppard

AngajukKâk Aulatsivillagimmi, KipukKak Inuit Nunalet kavamangani

AtuKattajavut kenaujait NGC-kunit pisimajut atuttaunitsanginnut Inoviani NiKitsanut ilingatillugit InutuKaujunut 60-nik jârilet ununnisanillu Happy Valley-Goose Bay-mi ammalu North West River KuatseviKammattutauKattajuk jârimi. Nakummek NGC. Angijualummik nakutsavugut ikajulauttuk uvattinik 185 (niKitsait) uvani jârimi, Kummuadlutik 165-nit jâriusimajumi.

Patricia Kemuksigak

katimatitsiji, NunaKatiget Nunalet kuaparesanga (AngajukKât/aulatsijet Max Winters Nunalet Kuatsevingani)

Nakutsasiavugut ilonnainut aittosianut pisimajut NGC-kunit. PisilâkKugut nutâjanik pigutsiasajanik ammalu salt beef igagatsanik.

Maxene Winters

Sivunivut Inuit Nunalet kuaparesanga Kuatsevik, North West River

Piusigilauttavulli aittudlugit \$100 niKitsasiniutitsamik atunit angiggajut nunattini atugiaKalauttut kisiani niKinut asinginnongituk. Taimaimmat, atunit angiggajuk pitâgunnalauttuk angijumik Inoviani niKitsaKallutik, ubvalu piulitsilutik niKitsanik atuttauluaKattajunik ullusiujuKatillugu ammalu KannimasiKatillugu. Illuit 135-et Makkovimmi inuKalauttut Decemerami ammalu atunit ilauKataulauttut taimaittumut. Piujuaggulannik takugunnalaukKugut.

Carol Gear

Makkovik Pantry ammalu Woodbox Committee

KAMAGIJAUNINGA ATTUTAUGESOK AVATIUK

- NCI piulimatsigiasilaukKuk atuttausimangitunik Nainimi ujuganniavingani ammalu akKutliudlutik ujuganniaviup saniani pigunnasittisidlunik inuit piusituKaminik akKutiKallutik.
- ÂkKisuigiamik pannaigutik kangidluasummi ujuganniavingani pijagettausimalittuk. NGC ammalu Nunatsiavut kavamanga kamaKatigeniattut atuttauliaKititsilutik pannaigutimmik.
- NMI kamatsiaKattavuk avatet paigijaukKulugit Kinidlutik utsualunik kuvisimajuKammangât atunit nunâviuKattatuni ammalu kamagidlugit suliaKautingit uKillititsigiamut utsualunik kuvisimajuKagajappat.

NGC kajusimavuk suliaKaKatiKagiamut Nunatsiavut kavamanganik akKisiillugu ujuganniavivini kangidluasummi. Nâningani 2022, NGC kamalâttuk salummasailluni saninik suliaKautivininnilu siammangajunik nunangani.(Photo: Janice White)

PAITSINIK INOSITSIAGITOGIAMIK PILUKATTAILINIMMILU

- NCI tigumiavuk COR piusinganik nainangani jârimi. COR suliaKapvini-nalunaikkutavuk imigojut kamaKattajut pilukattailigiamik atuttaugialinik.
- NCI ilinniatitsidlutik katimasimalauttut Nainimi kamatsiagamut ilonnatik kipaluit ilaujut ilisimagiaKammata ammalu inositsiagittogiamut pilukattailigiamullu ilinniadlutik.
- NMI kamaKattavuk pilukattailigiamut suliaKapvimi atuttaugialinnik sollu Kaut tamât sanaggutiKautingit kamagidlugit katingaKattajut ilonnainik suliaKattinik, sanadlutik nutâmik Kimatullivimmik iggaviligijiminut, ammalu ilinniatitsidlutik sollu ukuninga uKumaittuniutik, KanimmajuKappat Kanuk pigiamik, Puttjunut IliukKaijet, sanajet, katattuKappat paitsijet, initsaKatsiangitumi akKutilet, ammalu AullatitsiKattanik Ulugianattunik TuKunnatunik.
- NGC ammalu ilonnatik suliaKattet piusiumititsiKattavut isumakkut inositsiagittogiamut. TSI SuliaKattingita Ikajuttinga Ilaget Pannaitauninginni.
- Ilonnatik sulialet maligiaKavut inulimât inositsiagittogiamut maligatsanginnik atuttaugialinillu ullumimut siammaKattamat COVID-19 Kanimmasik asingillu.
- NGC ammalu Air Borealis suliaKaKatiKavuk Labrador Grenfell Ânniasiupvinganik atjatugiamut COVID-19 kapputinik ammalu paitsijinik suliaKattinik kapogigiattujunik Nunatsiavut nunalinginnut.

NGC ikajuttingillu pitaKattitauKattavut sunanik pivianattunik atugatsanginnik pilukattailigiamut suliaKallutik avatiujuni suliaKaKattajunut, kântraktilinnut, ammalu inulimânik. IlauKataujut pilukattailigiamut katutjiKatigeni ammalu tusâjausonik pilukattailigiamut pannaigutinik takutitsigunnatillugit NGC ilingajunik inositsiagittogiamut ammalu pilukattailigiamut. (Adjinguak: TSI)



IKAJUTSINIK SULIATSANIK

- TSI kajusimajuk ilinniatitsigiamik lkajuttaugutilinnik Tasiujatsuami.
- NCI tiguisimalauttut pingasunik lkajuttaugutilinnik ilinniajunik aujami suliaKattidlugit.
- NSI tiguisimalauttut atautsimik lkajuttaugutilimmik ilinniajumik igavimmi suliaKajutsautillugu Café Illusuk.

TSI suliaKattinga ikajutsijuk ujuganniaganik
Kaujisagamut Tasiujatsuami (*Adjinguak: TSI*)

IKAJUTSINIK NUNALINNI KENAUJALIUGUTINIK ATULLUGIT KENAUJALIUKATTAJUT AULATSIGUTET

- Angijualummik suliatSaKadlutik Nunatsiavut, NCI ikajutsisimavuk nunalinni kenaujaliugutilinnik atudlutik kenaujanik kititausimajunik ingiggagiamut, niKinut, ammalu tujummiuvinut.
- Pigunnagutik, NMI ununninginnik pisiniaKattavut nunalinni ammalu ikajutsiKattadlutik nunalinni katingajinik asinginnilu jârimi aittutauKattajunut.
- NMI aittuisimavut/akiledlutik usijaugialinnik ikajutsigiamut nunalinni katingajinik katutjiKatigeni sollu niKitsanik aittuiKattajut.
- NCI aullatitsilaukKuk sanagatsanik sâttujânik Nainimut nunalet pisigatsanginnik pisiniaviuKattatuk nukKamat aullaigiamut.
- NGC, TSI, Air Borealis, PiKalujak Oganniatingit Limited, ammalu Bird Heavy Civil Limited pitaKattisitillugit jârimi ilitagijaugutitsanik katidlugit \$18,500 Ikajuttaugutilinnut ilinniaviliaKattajunut.

Kângani: Pijagettaumajuk illuk Torngat Illuligijikkunginnut Hopedalemi.
(Adjinguak: TSI)

KikKani: NGC's aittuisimajuk ikajudluni Nunatsiavut niKinik aittuiKattaninga Kijunillu, ilauKatautillugu Max Winters Nunalet Kuatsevinga Happy Valley-Goose Bay-mi. (Adjinguak: Max Winters Nunalet Kuatsevinga)

Atâni: LICST ammalu NGC sivukkatattat takugiattujut kangidluasummut Auggos 2021-mi (Adjinguak: Janice White)



ISUMAGIJAVUT INUIT ILIKKUSINGIT

- NGC ammalu katingajet kampanet ikajuKattavut ilikKusinut ilingajunik, ullusiugutinik, ammalu katingajunik ikajuttaugutilet suliaKattet Kanuttogutinginnut ilaugiamik.
- NGC ablasângutitsiKattavuk allaKutinik sollu ilonnatik suliatsait Kangatattitaugialet, inuit Kaujigatsangit, ammalu Jârimi Kaujitsiutik Inuttitut.
- NGC aittuiKattavuk \$15,000 jârimi aittotimmik Ukiuttatumi Ilisimatsiatunut SâlaKagutik, katutjiKatigennik pitaKattisiKattajuk kenaujanik Taggâni katingajinut isumalet sakKititsigiamik pitsialutik asiangutitsigiamut nunagijamini.

Nigivingani Illusuak Susan Maggo ilauKatauKattavuk katingajunut ottugaKattajut Sue Webb aulatsijiutillugu, Inuit sananguaganginnik. NGC isumaKaKattavuk Inuit IlikKusingit adjigengituni piusiu juni, ilautillugit allataumajut, pigiasiutinik Inuttitut uKausinik ilinniatitsidluni, mitsuk, ammalu ikajudlugit nunalet ilikKusinik kamatilugit ullusiugutinillu. (Adjinguak: NGC)



PIUSIJUT TAIMANGANIT AMMALU TAKUTSAIT


- NGC KaujitsiutiKaKattavuk pivallianigijaminik kuatangani unikkausiliudlutik, inuit Kaujigatsangit Kagitaujatigut, Kagitaujatigut takugatsait, ammalu inunnik katimatitsidlutik. katutjiKatiget sanaKattamijut jârimi Kaujitsiutimmik kenaujanik kititausimajunik Kaujjautitsidlutik suliagiKattajamini.
- Ukua LICST ammalu NGC Kaujitsiutinga jârimi aulatsigusinut Nunatsiavut katimajitsuanginnut.
- Auggos 2021-mi, LCIST ammalu NGC kuatangani katimalauKut Nainimi, katiKatigidlugit nunalet ammalu Nunatsiavut kavamangata kiggatujangit suliaKattelu,

LICST, NGC, ammalu kenaujanik kititsijet tunitjilauttut pitjutigillugit NGC 2021-mi katimajitsuanginnut Septemberami.

(Adjinguak: Sarah Leo)


Ikajuttaugutilet IkajuttaugutiKangitullu suliaKattet ammalu katillugit akiliutet NGC/ Timingutisimajanginnulu 2021-mi

NGC/Timingutisimajangillu ammalu IkajuttaugutiKangitullu
suliaKattet ammalu katillugit akiliutet NGC/Timingutisima-
janginnulu 2021-mi



Ikajuttaugutilet IkajuttaugutiKangitullu suliaKattet ammalu katillugit akiliutet NGC/


Ikajuttaugutilet Sulialet -
72 sulialet



ikajuttaugutingit katidlugit Akiliutet



ikajuttaugutiKangitut Sulialet -
58 sulialet



IkajuttaugutiKangitunik Akilittaujut



NGC IKAJUKATTAJUNIK AKILIUTINGA

Taitsumani 2021-mi, Nunatsiavut Group of Companies uKautiKalaukKut ikajotitsamik ilitatsigutaulluni aittotik suliaKattiminut kenaujaliujunut ammalu sakKijänginnaniattunut tallimanut 100%-namminiujunut kampaninut - NGC Nunatsiavut Inc., NGC Nunatsiavut Sanajingit Inc., Nunatsiavut Imappiligijingit Inc., ammalu Nunak Nunak kuaparesanga (ilautillugit GBCC ammalu GBCR.

Tâna ikajotik magguilingavuk - IkajuKattatunut Aittotik ammalu Ilitatsiutik IkajuKattatunut.

IkajuKattatunut Aittotik ilitatsivuk suliaKattinik jârini suliaKasimaningit ammalu aittotauKattaniattuk tallimait jâret Kângigaippata, pigiasillutik tallimangani ullusiulippata suliaKapvimini. SuliaKattet kampanimesimalippata ununnisanit tallimanit tâvatuak ikinnisaullutik senanit, pitâKattaniakKut tallimangani-jârini ilitagijaugutimmik 202. PitâKattaniattut senani-jârini ilitagijaugutimmik senangani ullusiulippata.

Una Ilitatsigutik IkajuKattajunik takutitsivuk suliaKatsiasimaninginnik ammalu suliaKagumainnalutik suliaKattik. AittotauKattajuk aittuiKujilippata angajukKât ilonnâgut-namminilet kampaniujunik.

13-nait SuliaKasimajut Aittutausimalauttut tunitjiviudlutik 2021-mi suliaKattingit NGC, NMI, ammalu NCI.



Keith Hillier

Keith Hillier, NCI
pitaKattisigiamut aulatsijinga,
pitâsimalauttuk tallimani-jârini
SuliaKasimanimminut pijumik NCI
AngajukKâlaginganit Tom Lyall.



Levi Nochasak

UKumaittuniutiligijini aulatsiji Levi
Nochasak, Nainimiungummijuk,
tunitjiviusimalauttuk tallimani-jârini
SuliaKasimanimmut Aittosiamik.



Kevin Aylward

Kevin Aylward, uKumaittuniutiligiji
Nainimi, aittutaulauttuk senani-
jârini SuliaKasimanimminut
Aittosiak pisimajuk NCI-kunit
AngajukKâlaginganit Tom Lyall.



Jennifer Saunders

Jennifer Saunders, NCI
suliaKapvimi aulatsiji,
pitâsimajuk tallimani-jârini
SuliaKasimanimminut Aittosiamik
NGC AngajukKâlaginganit Tom
Lyll.



Eileen Saunders

Eileen Saunders, fonninik kiukatatti NGC-kuni, tunitjiviusimajuk tallimani-jârini SuliaKasimanimminut Aittosiamik NGC AngajukKânganit ammalu AngajukKaulagiuKataujuk, Chris Webb.



Dwayne Canning

Dwayne Canning, Aulatsijini AngajukKâk NMI-kuni, tallimani-jârini SuliaKasimanimminut Aittosiamik.



Gary Latimer

Gary Latimer, AngajukKâk NMI-kuni, pitâsimajuk tallimani-jârini SuliaKasimanimminut Aittosiamik.



Sherry Burdett

Sherry Burdett, Ikajuttaugialinnik kamaji ammalu Aulatsivimmi AngajukKâk NMI-kuni, ilitagijaudluni tallimani-jârini suliaKasimanimminut.



Donald Chauk and Terry Broomfield

Donald Chauk (L) ammalu Terry Broomfield takutsautitsijok tallimani-jârini suliaKasimanimminut aittosiaminik. Donald ammalu Terry uKumaittuniutiligijek/usijaujunik kamaKattajok NMI-kuni Goose Baymi.



Winston Shepherd

Winston Shepherd, NMI itsaviligijinga KipukKami, takujautitsijok tallimani-jârini SuliaKasimanimminut Aittosiaminik.



Brian Rice

Brian Rice, NMI itsaviligijinga Hopedalemi, tallimani-jârini SuliaKasimanimminut Aittosianga.



Max Williams

Max Williams, NMI itsaviligijinga Rigolettimi, tigumiajuk tallimani-jârini SuliaKasimanimmini Aittosiaminik.

kenaujakkuviligijet ammalu NGC AngajukKanga amma AngajukKaunik Chris Webb
takugiattusimajut NCI ujuganniavinganik ilautillugu Levi Nochasak Nainimit, tikisimaniagamik
Auggos 2021-mi.. (Adjinguak: Janice White)



ANGAJUKKAUNET KENAUJAKKUVILIGIJELLU

Sivukatattat Nunatsiavut Group of Companies-kunit ammalu Labradorimi Inuit kenaujanik Pannaigiamut kenaujakkuviningani katilauttut Nainimi Auggos 2021-mi. Sivullipauluttuk maggukasanni jãrenni ilonnasiangit katimajet takunnautidlutik katilaukKut.

katinganiammata Nainimi pigunnatitsilauttut NGC-kunik ammalu kenaujakkuviligijinnik kuatangani katimatitsilutik, katiKatigillugit Nunatsiavut kavamangata sivukatattingit suliaKattelu, ammalu Nainimi Inuit Nunalet kavamanga. katimajet Kimiggutitaulaummiut NGC sulialinginnik Nainimi ammalu takugiattudlutik uaganniavivinimmik kangidluasummi.





CHRIS WEBB

AngajukKâk ammalu AngajukKauniuKataujuk
Nunatsiavut Group of Companies

Chris tamânelikKuk ununnisanit 20-nit jârinit kenaujaliugiamik Kaujimatsiadluni suliatamani, ilautillugit ununnisat 14-nit jârinit puttunitsani suliaKasimalidluni. kamaluasimajuk sivukkatattiudluni âkKisuigiamik naittunik akuninullu kenaujaliugiamut pannaigutini, atuttausiadluni unuttuni kenaujaliugutilinni sakKisimajuni, ilisimatsiadluni, ammalu kenaujaliuuet katutjiKatigegiallinginni, tigumiadluni piujunik ammalu suliaKadluni ânanâmmagimmik. ItsivaKataummijuk angajukKauKatigeni 19 kompaniujuni ammalu ikajuttigeni NGC-kut Kanuttogijanginni, ammalu 1/3-timik katimatitsijiuKattajuk tâkkunani angajukKauKatigeni.

Taitsumani 2021-mi, Chris angnigijauluttuk AngajukKângugiamut Pan Ukiuttatami Inuit IkajuKattatanginni kuaparesani atautsimi jârimi tamânedluni.

Ikajuttaugutilik Labradorimi Inuit Nunamik Sotusaijet AngiKatigegutingani, Chris Nalunaikkutalik Ilinniasimanimminut puttujummagimmik SuliaKattinut AngajukKângugiamik ammalu SuliaKapvinut Ilingajunik Saint Mary Ilinniaivitsuangani Halifax, Nova Scotiami. Pitâsimamijuk AngajukKaunet Sivukkatattiugiamik Pivallianinginnut SuliaKagiamik Ilitagijaugutimmik ikajuttigetillugit Queen's ammalu Cornel Ilinniaivitsuagik.

Chris ilonnasiangagut hâkinguaKattajuk atâtaudluni ammalu akilittutaugani ilinniatisiKattamijuk. IniKajuk Happy Valley-Goose Baymi, Labrador, aippangalu Robin iningalu Eric.



WYMAN JACQUE

AngajukKâlagik
Torngat Suliatanginni Inc.

Wyman ununnisanik 25-nit jârinit Kaujimausilik kenaujaligigiamik ammalu akuniunitsak aulatsijiuKatausimadluni inulimâni namminillu kenaujaliugutilinni. Ilinniagesimajuk kenaujaliugutilinni AngajukKauniujuni kenaujaligigiamik ilinniadluni Cabot Ilinniavingani Allanguasongugiamik Kagitaujanillu (mâna taijaujuk CNA).

MânaKamik, Wyman Nunalinni AngajukKângulauttuk Happy Valley-Goose Bay-mi. Sivungani, tullilauttuk minister kenaujaligijini, SuliaKattinik kamajudluni, Kagitaujanillu Nunatsiavut kavamangani. Nunatsiavut Ikajuttaugutilinga, Wyman ilauKataulaummijuk Nunatsiavut kavamanganut sakKititsisimajut Labradorimi Inuit kenaujanik Pannaigutingata kenaujakkuingani.

SuliatKadluni angajukKaunimmini Torngait SuliaKapvinginni Inc., Wyman kamaKattalauttuk NGC ikajuttinginnik ATCO ammalu aulatsiKattadluni sulialet angiKatigegutinganik Vale-kuni Tasiujatsuami. Sivukkatattiumijuk TSI kenaujaliugiamut pivitsagijanginni suliatmani, ilautillugit kompaniujop unuttumaget KinijagiaKaKattaninginnik suliaKattisanik ammalu ilinniatiKattadlugit.



SARAH LEO

*AngajukKâk Aulatsigiamut Sulialinni
Nunatsiavut Group of Companies*

NGC-kuni AngajukKângudluni Sulialinni, Sarah suliaKaKatiKaKattatuk namminilinnik kompaniujunik ammalu ikajuttigenik ammalu kamagidlugit Kaut tamât sulialinni timingutitausimajunik. ÂkKisuiKattajuk auladlugillu NGC Kanuilingausingit ilauKataujuni, ilautillugit Ikajuttaugutilet, ilonnasiatik kavamait, asingillu suliaKapviuKattajut.

Sarah AngajukKângulauttuk (Mayor) Nainimi Inuit Nunalet kavamangani pigiasidluni 2006-2010-mut. Pigiasidluni 2012 tikidlugu 2016, AngajukKângulaummijuk Nunatsiavut kavamangani. Sivungani NGC-kuliakKâgani, Sarah Aulatsijiulaummijuk NunaKakKâsimajunik kamagiamut Vale-kuni Tasiujatsuaq ujuganniavingani.

Sarah ilauliaKilauttuk NGC-kunut Auggos 2017-mi AngajukKâmut Tulliudluni katutjiKatiget Pivallianinginni. ItsivaKataujuk angajukKauKatigenginni Timmiak Sanajet Limited ammalu Innu-Inuit Redpath. Sarah kenaujakkuviligijiuKataujuk Labradorimi Inuit Satusainimmut kenaujakkuvingani ammalu ilauKataummijuk BMO NunaKakKâsimajut UKautjigiajngita kaunsalingini.

Nunatsiavummiungudluni, Sarahup KaujimausituKangit suliadini NGC-kuni kampaninginnilu ilauKattavuk angijummagimmik atuttausiadluni NGC-kut kajusimaninginni akKutimini Inunnut-sivulittaudluni suliaKapvigijanga. Sarah Kaujimatsiatuk Labradorimi Inuit Nunamik Satusaijet AngiKatigegutinganik, ammalu COO-ngudluni, suliaKaKattiKaKattajuk AngajukKaunet SuliaKatteninginnik kamagitsiadlugit ilonnatik NGC suliajjangit adjigetisigasuanikut pivitsaujunik tunijauKattajut Nunamik Satusaijet AngiKatigegutingagut.



TOM LYALL

*AngajukKâlagik
Nunatsiavut Sanajinginni Inc.*

Tom Lyall Nunatsiavummut Ikajuttaugutilik ilauliaKilauttuk NCI-kunut akuni suliaKakKâdluni namminik kenaujaliugutilinni. Tom ununnisanik 20-nit ilisimallagittuk SuliaKapvini, Aullaivitsalinni, ammalu Namminik Illulinni Sanagiamik Suliatsanik. ItsivaKataujuk angajukKauKatigenginni Timmiak Sanajinginni Limited, ikajuttijuk Bird Heavy Civil Sanajinginni NGC-kut tigumiajanginni unuttuit Kanuttogutaujut.

Unuttumaginnik angajukKaunet kenaujaliugiamut aulatsigusinginnik Kaujimatsiatuk ammalu nalunaikkutaKadluni Sanagiamut/kântraktinik Aullatsivillagimmi, Suliatsanik Aulatsigiamut, Maligatsanik/Suliatsanik Pivalliataugialinnik unuttunut katutjiKatigenut Labradorimi-tungavilet suliatsait. Suliatsamini AngajukKâlagiudluni NCI-kuni, Tom kamaKattavuk ilonnainik katutjiKatigenet pivalliajanginnik.



GARY LATIMER

*AngajukKâlagik
Nunatsiavut Imappiligijinginni Inc.*

AngajukKâlagiudluni NMI-kuni, Gary kamaKattavuk Kaut-tamât aulataugialinnik kampanimi, ammalu ilauKataudluni NGC-kunut angajukKaunet katimajinginnut, akuninut pannaigutik, tugâgutet ammalu namungagiaKammangâta NMI-kut. Gary itsivaKataummijuk angajukKauKatigenginni katitsusimajuit Nunatsiavut PitaKattisijingit pitaKattisillutik kaliganik Kangattaigutilinnik ikajugiamut Vale suliatanginni Tasiujatsuami.

Gary ilinniagesimajuk Canadami Sikusiuttet Ilinniavingani Sydney, Nova Scotia-mi. IlauliaKilauttuk NMI-kunut Joni 2014-mi Umiattutinut AngajukKângudluni, ammalu sivungagut suliaKasimajuk Irving Umialuttinginni ammalu Imappimi Atlantic Inc.-kuni.



ROBIN WEBB

*Aulatsiji kenaujanik
Nunatsiavut Group of Companies*

Suliatamini annak Aulatsiji kenaujanik, Robin kamaKattavuk kenaujaligigiamik ammalu kenaujanginnik suliaKapviup Nunatsiavut Group of Companies-kuni. Annak ilinniagesimavuk Nalunaikkutattâdluni Aullaigatsanik suliaKagiamut ammalu ilisimatsiadluni kenaujaligigiamik ilinniasimadluni Saint Mary Ilinniavitsuangani Halifax Nova Scotia-mi. Pitâgunnasilauttuk Ilisimallagigiamik kenaujaligigiamut iniKadluni Ottawa, Ontario-mi 2002-mi.

Robin ununnisanik 20-nit jârinit ilisimavuk kenaujaligigiamut ammalu akuniunitsak aulatsigiamut suliatani inulimâni namminillu suliaKapvilinni. Sivungani NGC-kkuliakKâgani, Robin suliaKalauttuk avittusimajuni suliaKapvini ammalu suliaKapvingani Atanigusiup kenaujanik kititsivingani Canadami. Utilauttuk Happy Valley-Goose Bay-mut 2009-mi.



JANICE WEBB

*SuliaKattinik Aulatsiji
Nunatsiavut Group of Companies*

Janice ilauliaKilauttuk NGC-kunut SuliaKattinik Aulatsijjudluni Oktober 2011-mi. Sivungani ilauliaKikKägani, SuliaKattini AngajukKängulauttuk Nunatsiavut kovamangani. Sivungani nainausimajuni járini, ilisimaliaKimmagilauttuk suliaKattinik Aulatsijiugiamut ujuganniavimmi ammalu sanaKattatuit suliaKapvingani.

Annak ilinniagelauttuk Inummaget Ilinniavingani College of North Atlantic ilitagijaugutittádluni kenaujaliuttet Aulatausonguninginnik ilingaluajut Inuit SuliaKattet AulataugiaKaningit 2011-mi.

Janice pimmagittumik Kanuttogutilik suliatsaKattisigiamut ilinnianimmulu pivitsaujunik Nunatsiavut Ikajuttaugutilinginnut nani pivitsaKappat. Sitamausimalittuni járini, suliaKaKatiKasimalittuk suliaKattinik taimaittunik Kanuttojunik.

Janice iniKajuk Goose Bay-mi aippangalu Craig ammalu sugusinguangit, Calleigh ammalu Caleb. Annak unuttualunnik ilalik tamäginni Anânamini Atâtaminilu. Akunialuk járini Goose Bay-mesimagalualidluni, Nain ammalu Webb's Bay anggigagennaniattâgik.





GARRY BEST

*katimatitsiji
Labrador Inuit Pannaigutingata kenaujakkuvigani*

Garry Best Nunatsiavummut Ikajuttaugutilik pigutsalauttuk ilinniaviladlunilu Happy Valley-Goose Bay-mi. Garry ilinniagesimajuk Memorial Inniavitsuangani SuliaKautiligisongugiamut, 23 jârini suliaKasimajuk Royal Canadian Navy Unatattini Imappimi, mânnaujuk Avittusimajuni AngajukKauniujuk, Ontario-mi, First Nations Allait ammalu Inuit Inositsiagittogiamut SuliaKapvinginni, NunaKakKâsimajut SuliaKapvingani Canadami.

Garry sivukkatagiamik suliaKasimalittuk Canadamiut unatatinginni, 2006-iminit, unuttunik suliatsanik tigumiasimalittuk ilaudluni First Nations Allanut suliaKapvinginni, ilautillugit sanagiadlutik ammalu nottitaullugit Manitoba-mut First Nations Allait attutauniKaniammata 2011-mi kogutjaumata ammalu First Nations Ikajudlugit ammalu Illusanik, atutsiadluni pitsatujumik sivukkatattiusongunimminik aulatsigiamillu ilisimatsiadluni.



ISABELLA PAIN

kenaujakkuviligiji

Isabella Pain Nunatsiavummut Ikajuttaugutilik inolisimajuk pigutsadlunilu Nain, Nunatsiavummi. Inniagesimajuk Memorial Inniavitsuangani Ilitagijaugutittâdluni Sananguatiugiamut (kavamaligigiamut Kaujisannik), ammalu kenaujaliusongugiamut,

2000-mi, tilijaulauttuk tulliangukKujaudluni-angajukKâmut satusaijini Nunatsiavut nunamik satusaijinginni katimajini. Jârik Kângimmat, angajukKângunialidluni satusaijini Attutausimajuit ammalu Ikajuttaugutet AngiKatigegutingani (IBA) Tasiujatsuami Ujaganniovingani kampaniujuk (VBNC). Isabella NunaKakKâsimajunik kiggatudluni AngajukKângunialidluni VBNC-kuni 2004-mi ammalu ilaudluni kamagiamut Inuit ammalu Innu allait ikajuttaugutingit IBA atuttausiagaluammangât kamagidlugu.

Taitsumanitsainak jârimi, Isabella ilitagijaugutittâlauttuk Canadami "Puttunippâk 40-ni jârilinni Jârikinnisanilu 40-nit." AittuiKattatut ulinnaisivut inosuttunik pitsiaKattatunik Canadamiuni kenaujaliugutilinni Kanuttojunik pigunnasiattunilu, ammalu utittisilgettunik nunaminut.

Isabella pigiasilauttuk suliaKagiasidluni Nunatsiavut kavamanganut 2009-mi. Ullumi suliagijangit ukua Tullia Ministerimut Nunatsiavut Allatinga, Allatik AngajukKaunet katimajinginni, ammalu akuniunippâk satusaijusimalittuk.



KRISTY SHEPPARD

kenaujakkuviligiji

Kristy Sheppard Nunatsiavut Ikajuttaugutilinga iniKadluni Rigolet. Ilitagijaugutilik Sananguanimmi Kaujisagiamut Acadia Ilinniavitsuangani, ammalu IlitagijaugutiKadluni Sananguagiamut Niuggutet Aulataunitsanginnut pisimajumik Royal Roads Ilinniavitsuanganit.

Kristy akuniunitsak aulatsijiusimalittuk Nunatsiavut kavamangani. SuliaKasimalittuk akuniunitsak senanit jârinut ammalu kamaluasimajuk nunalet pivallianitsanginnut. Nunatsiavummi sivullipausimajuk Aulatsijiudluni Niuggunimmik, ikajusimajuk pigiasitsisijuni avittusimajuni niuggunitsaujunik. Kristy mânnakamik nottitausimajuk suliatsanut Aulatsijiugiamut kenaujatigut Pivalliajunik. Atanigusik Canadami Sivukkatattat katimianimmata Joni 2017-mi, ilitagijaulauttuk ilangauninga 250-nit puttunitsanillu-ammalu-sivukkatattisanit Canadami.

Kristy suliaKatsiaKattatuk kenaujaliuKattatuni katutjiKatigeni, ilautillugit SmartICE ammalu Atlantic-imi NunaKakKâsimajut kenaujatigut Pivallianinginni katingajuit Kaujisapvingani.



CATHARYN ANDERSEN

kenaujakkuviligiji

Catharyn Andersen Nunatsiavut Ikajuttaugutilinga inolisimajuk pigutsadlunilu Makkovik, Nunatsiavut. Ilinniagesimajuk Memorial Ilinniavitsuangani IlitagijaugutiKadluni kenaujaliugiamut Aulatsivillagimmi (2010), Ilitagijaugutimmik Allanguanimmi (UKausiligiji) (2010) ammalu Ilitagijaugutimmik Allanguanimmi (UKausiligini) (1999)

Taitsumani 2021, Catharyn tiljaulauttuk Memorial Ilinniavitsuangani sivullipâmmagik Tullia AngajukKâmut (NunaKakKâsimajuni) suliaKakKâdluni sâksini jârini Pimmagittumik UKautjigajjukKâdluni AngajukKânganut NunaKakKâsimajut SuliaKapvingani.

Sivungani suliatsangata Memorial Ilinniavitsuangani, Catharyn suliaKalauttuk Nunatsiavut kavamangani suliagidlugit aulatsigiak ammalu Inuttitut uKausinik aulatsijiudluni Torngâsok IlikKusiligijingita SuliaKapvingani Nainimi. SuliaKasimammijuk SuliaKapvingani Oganniatuligijet Imappinillu Mikijunik Umialinni kangianimiuni.

Catharyn itsivaKatauKattamijuk Inuit AulatsiKatigenninginni AngajukKauKatigeni ukunani Akami-Uapishku-KakKasuak-Mealy KakKasuanginni SilakKijapviligijet SuliaKattiginginni.



NATAN OBED

kenaujakkuviligiji

Natan Obed AngajukKâk Inuit Tapiriit Kanatami, silatsualimâmi katutjiKatiget kiggatujut Inuit Canadamiunik. Nunatsiavut lkajuttaugutilinga, pisimajuk Nain, Nunatsiavut, ammalu mâna iniKajuk Ottawa-mi. Ilitagijaugutilik Kallunâtitut ammalu America-miutitut Ilisasimajuk ukunani Tuft Ilinniavitsuangani.

Senani jârini, iniKalauttuk Iqaluit, Nunavummi ammalu suliaKadluni aulatsigiamik inunnik ilikKusinillu pivalliagamut Nunavut Tunngavik Inc., kiggatuKattajut pivitsagijanginnik Inuit Nunavummi Inunnik. Atutsiasimajuk ilisimallagiusimminik suliaKagamut kiggatudluni Inuit katutjiKatigenginnik piusiumitikKulugit inosingit Inuit Canadami.